

摘藻堂四庫全書薈要

史部

欽定四庫全書叢要

史部
通志卷四十

詳校官員外郎臣楊世綸



欽定四庫全書會要卷八千九百三十九

史部

通志卷四十

宋 右迪功郎鄭樵漁仲撰

地理略第一

序 四瀆 歷代封畛 開元十道圖

地理序

州縣之設有時而更山川之形千古不易所以禹貢分
州必以山川定經界使兗州可移而濟河之兗不能移

使梁州可遷而華陽黑水之梁不能遷是故禹貢為萬
世不易之書後之史家主於州縣州縣移易其書遂廢
今之地理以水為主水者地之脉絡也郡縣基布州道
瓜分皆由水以別焉中國之水則江河淮濟為四瀆諸
水所歸苟明乎此則天下可運於掌

四瀆

湔

若

淹

涪

羌

巴

白

潛水禹貢沱潛旣道者此也舊云出巴郡宕渠縣南
入于江今宕渠省入蓬州伏虞

渝

巫溪

沮水亦作睢出房州房陵縣景山景山在荆山西百餘里即荆山首也一名發阿山故杜云出新城郡之西南發阿山東南至當陽漳水入焉又東南至枝江入江枝江近并入松滋隸江陵此水在郢都之西故楚昭王西走涉沮

漳水出臨沮縣東荆山臨沮今襄陽南漳縣東南至當陽縣右入于沮當陽今隸荆門軍

襄

文

旬

涓

淮

敖

白水杜云江夏景陵縣西有白水出聊屈山西南入
漢按景陵今復州景陵

澧水舊云出義陽厥縣西北黃山厥縣後為厥西隋廢入隋縣其水南入于澨

澨水舊云出蔡陽縣大洪山蔡陽今隋州唐城其水東南至隋縣有澧水入焉又南過安陸入于夏水

漢水名雖多而實一水說者紛然其原出興元府西縣嶓冢山為漾水東流為沔水故地曰沔陽又東至南鄭為漢水有褒水從武功來入焉南鄭興元治興元故漢中郡也又東左與文水會又東過西城自水

入焉又東過鄖鄉縣南又屈而東南過武當縣又東
過順陽縣有清水自號州盧氏縣北來入焉又東過
中廬別有淮水自房陵淮山東流入焉又東過南漳
荆山而為滄浪之水或云在襄陽即為滄浪之水又
東南過宜城有鄢水入焉又東過郢敖水入焉又東
南白水入焉又東過雲杜而為夏水有潁水入焉雲
杜後并入安州安陸舊屬江夏郡又東至漢陽觸大
別山南入于江漢陽故夏口之地班云行二千七百

六十里

鄢水本夷水亦謂之蠻水出房陵今房州治也東南至宜城縣羅川城謂之鄢水又東至蠻城謂之湛水又東入漢蠻城在宜城東三十里靈王浴夏將入鄢杜云順漢水南至鄢

彭水杜云出新城昌魏

邗溝水一名韓江一名邗溟溝吳將伐齊霸中國故於廣陵城東南築邗城城下掘深溝東北通射陽湖

西北至末口入淮通江於淮以便糧道邗城今在揚
州江都末口在楚州山陽而射陽湖亦在楚州然此
乃舊通江淮之道後來以湖道多風晉永和中陳敏
更由津湖興寧中復以津湖多風又自湖之南沿東
岸二十里穿渠入北口北口即末口自後行者不復
由湖然自末口入淮又自彼沂淮達盱眙然後入汴
猶有淮患宋朝復穿令徑達盱眙入汴

江水出岷山一名瀆山一名汶阜山今屬茂州汶山

縣發源不一亦甚微所謂發源濫觴者也東南百餘里至天彭山亦謂之天谷亦謂之天彭門兩山相對水徑其間其山屬今彭州又東南過成都郫縣又東南過江陽有湔水從西北來入焉江陽隋并入隆山唐改為彭山今屬眉州又南過嘉州犍為又南過戎州犍道縣北若水淹水從西來入焉又東南至巴郡江州縣有羌水涪水巴水白水潛水渝水合流入焉故庾仲雍謂江州縣對二水口右則涪內水左則巴

內水是也江州縣今渝州江津縣是又東過涪州忠
州萬州又東過雲安軍雲安故朐�縣後周改名又
東過魚復魚復今夔州奉節也逕永安宮及諸葛亮
圖壘南又東南過赤岬城又東過巫峽巫溪水入焉
又東過秭歸又東過夷陵又東過宜都又東過禹斷
江又東過枝江有沮水入焉又東過石首又東過華
容有涌水入焉又東至巴陵合于洞庭之陂其陂有
澧水從西來入焉次有沅水從西南來入焉次有湘

水從南來入焉共而東出由武昌出與漢水合而為
大江東過九江有九江水合而為彭蠡陂從南來入
焉又東右過江寧有丹陽水從南來入焉又東左過
江都邦溝出焉又東過江陰許浦入海班云行二千
六百六十里謬矣

丹陽

桐水出廣德軍西南白石山西北入丹陽湖

彭蠡

湘

沅

澧

涌水在華容縣入江樂史云涌水在江陵府監利縣界

沱水禹貢文謂岷山導江東別為沱班固謂從郫縣分而東流至枝江入江今詳之不然疑禹貢之文有衍闕

汝水出汝州魯山縣大孟山其地與弘農盧氏接界
故許慎誤謂出盧氏也其水東南過故定陵縣湮水
及昆水入焉又有沘水湛水入焉定陵今許州舞陽
又東南過上蔡至襄信縣汝口南入于淮班云行千
三百四十里

湛水舊云出隼縣魚齒山東至定陵入汝疑隼後來
并入葉而定陵乃舞陽

沘水舊云出魯陽東經襄城定陵入汝魯陽今汝州

魯山定陵今許州舞陽

澧水出汝州魯山縣堯山東過隼縣故城北魚齒山下疑隼縣後來并入葉縣東過定陵縣西不羹亭又東入汝定陵今許州舞陽

漆水一名漕水一名澮水出滎陽澮城西北鷄絡塢下東南入洧

黃水宛陵縣西有黃水西南至新鄭城西入洧黃崖者是其水之側

洧水出滎陽密縣西馬嶺山密今隸河南其水東南有溱水入焉又過新鄭有黃水入焉又東南至長平入潁長平今陳州西華縣班云行五百里

潁水舊云出潁川陽城縣西北少室山今陽城縣省入河南登封矣東南至長平縣洧水入焉長平隋改曰西華今陳州又東南過南頓縣潁水入焉又東南至下蔡入淮下蔡今壽州治班云行千五百里

決

肥水出合肥縣鷄鳴山北流二十里許分為二其一
東流經合肥縣南又東南入巢湖其一西北流二百
里出壽春西投于淮爾雅出同歸異曰肥今謂之合
肥者以其雖二流而合於一源也應劭關駟皆謂夏
水出城父東南與此肥合故曰合肥謬矣此唐人盧
潘云

豪

旃然水杜云出滎陽成臯縣東入汴又按酈道元云

與索水合

汴水一名鴻溝一名官度水一名通濟渠一名浪蕩渠或云浪蕩渠別汴首受河水自汜水縣東南過滎陽陳留睢陵符離至泗州入淮

洙水杜云出魯城北下合泗桑欽云出泰山蓋縣臨樂山西南至卞入泗許慎又云北入泗當以杜為確小沂

沂水舊云出蓋縣艾山今其地在泗水奉符間南流

有小沂水從東北來入焉又南過臨沂至下邳入泗
班云行六百里

泗水舊云出卞縣故城東南桃虛西北卞縣今兗州
泗水縣是說文云泗水受濟水桑欽亦云濟水至濟
陰乘氏縣分為二一水東北流為北濟一水南流為
南濟按今此水與濟已不通矣其源出泗水縣西南
流有洙水入焉又西南至方與縣菏水入焉其水出
乘氏班固亦謂之泗水方與今單州魚臺又云有濇

水至高平湖陸入泗水又南至彭城名曰沛水有睢
水入焉又西南至下邳沂水入焉又南至楚州山陽
入淮此水今人謂之清河或云泗水出鄆州梁山泊
睢水杜云首受汴水班云首受菰蕩水疑菰蕩即汴
也自浚儀縣東經陳留梁譙沛彭城縣入泗水浚儀
近改為祥符班云行千三百六十里

潞水杜云出東海合鄉縣西南經魯國至高平湖陸
入泗按合鄉當在鄒縣東南湖陸當在滕縣薛城之

西然樂史云潞出沂州費縣連青山下

荷水首受濟東南入泗

淮水出唐州桐柏縣大復山東過義陽今信陽也又東過褒信汝水自西北來入焉又東過安豐決水自南來入焉又東北有窮水從北來入焉又東過下蔡潁水從西北來入焉又東過壽春有肥水從東南來入焉又東北豪水入焉又北汴水入焉酈道元云汴即蕩蕩渠也又東過鍾離又東過盱眙有汴水從北

來入焉又東至山陽通邳溝又東泗水自東北來入焉又東至海州東海入海班云行三千二百四十里濮水自酸棗縣傍河東北過濮陽又東至濟陰鉅野入濟或云首受河

馬頰水

濟水從滎陽縣北又東過敖山北又東合滎瀆滎瀆今無水又東索水入焉又東過陽武縣北又東過封丘縣又東過酸棗縣之烏巢澤北又東過乘氏縣南

分為荷水又東北過鉅野濮水入焉又東北過壽張
汶水從東北來入焉又北過須城漁山之東左合馬
頰水又北過臨邑又東北過故盧城北又東北滌水
入焉又東北過華不注山華水入焉又東北過蒲臺
縣北又東北過鄒平時水入焉又東北過樂安故城
南又東北過利縣西地里志曰利縣在濟城北五十
里又東北過甲下邑河分一枝入焉又東北入于海
聞今濟水多涸竭

澠水杜云出臨淄縣北經樂安博昌縣南界入時水其流急故諺云瘦馬不渡澠水

時水一名耐春秋襄三年齊晉盟于耐是也一名如水一名澮水其上源歧淺多涸竭故又名乾時從臨淄縣西北至博昌澠水入焉博昌今青州博興又西北過高苑至梁鄒縣入濟高苑舊宣化軍今隸淄州梁鄒疑淄州鄒平是

灤水出齊州歷城縣西北入于濟謂之灤口

華水出歷城縣華不住山北入于濟

淄水杜云出泰山梁父縣西入汶按梁父今隸兗州
奉符班云出萊蕪縣原山東至北昌入濟按博昌今
青州博興桑欽云出萊蕪原山東北入海按三說異
同考其形勢當以杜言為正

汶水出萊蕪縣西南經濟北至東平壽張縣入濟萊
蕪今隸兗州在州東北一云出奉符原山西北
黃水出京縣故亦謂之京水東北流入于濟

索水出京縣西南嵩渚山後齊省京入滎陽京故城
在縣東南二十里東逕大索城又北逕滎陽城東入
于濟

離水出西塞外東至枹罕入河

湟水出臨羌北東至允吾入河

晉水出晉陽縣西懸甕山晉陽宋朝改為平晉熙寧
中省入陽曲晉水過其縣南又東入汾

文

澮水出絳州翼城澮高山又西南過絳與絳水合又西過虢祈宮南又西入汾

絳水出絳縣西南入澮

汾水出太原汾陽縣北管涔山汾陽今太原治陽曲也東南過晉陽縣東晉水從縣南東流入焉又南與文水合又西南過高梁高梁今屬洪洞遂西行過臨汾又西過絳縣西四十里虢祈宮北又西過王澤有澮水從東來入焉又西至汾陰縣北西入于河汾陰

今河中榮河縣也班云汾水西南行千三百四十里
冀州寧也

涑水一名洮水出解州聞喜縣黍葭谷俗謂之華谷
西南流至蒲阪縣入河蒲阪今河中治河東縣桑欽
云涑水南過解縣東又西注于張陽池

湛水出河內軹縣西北山軹縣唐省入河陽濟源縣
南行至絳州垣曲縣南入河

沮水出河內軹縣東南至溫入河軹唐省入濟源縣

隸河陽軹故城在懷州河內縣西北二十七里

沅水出河東垣縣界王屋山垣今為垣曲隸絳州其水東至溫縣為濟水又東南至鞏成臯間南入河

沁水一名少水出上黨故穀遠縣羊頭山南過沁水縣北又東過河內縣又東過武德縣又東南至滎陽北東入河

洹水杜云出汲郡林慮縣東北至魏郡長樂縣入清水按林慮今隸相州長樂今大名洹水是也桑欽謂

洹水出上黨洹氏縣酈道元謂出長子謬矣按此水
今名安陽河清水即淇水也

淇水一名清水鄭玄云即降水也出衛州共城縣北
山或云出林慮東至湯陰又東至黎陽入河

屯氏河

鳴犢河

濁漳水出潞州長子縣鹿谷山一云發鳩山東過壺
關又東至武安縣東合于清漳

清漳水班云出上黨沾縣大顛谷東北過磁州武安
與濁漳合而橫流故名曰衡漳又東北過洺州曲周
平恩縣又東北過冀州武邑又東北過弓高縣弓高
今為鎮隸永靜東光又東北過成平成平今為景城
鎮隸瀛州樂壽又東北過故平舒縣東入海入海者
桑欽說也班云至邑成入河行千六百八十里

易水出北新城東至文安入滹新城今隸涿州

濡水杜云出高陽縣東北至河間鄭縣入易水按高

陽順安軍治鄭莫州治正義謂高陽今無此水平地
趙燕之界無泉出者未知杜言何據然臣聞水泉古
有處今涸竭者何限杜子之言豈妄哉

涇水出靈丘縣高氏山靈丘今隸蔚州班云東至文
安入大河過郡五行九百四十里按文安今隸霸州
滹沱水班云出代郡鹵城東至文安入海過郡六行
千三百七十里按鹵城今代州繁峙縣其水東經定
州深澤縣東南即光武所度處今俗謂之危度口又

東過瀛州東城平舒開元中盧暉於此引滹沱東入淇道漑漕文安今隸霸州若是入海當在滄州界

河水自西域來其大原有三正原出崑崙山東北陬而東行一原出天竺葱嶺一原出于闐南山北行與葱嶺河合而東入于崑崙河或云張騫窮河源至葱嶺河爾故西域傳云河有兩源一出葱嶺一出于闐而沒其正原也三河合而東過蒲昌或云入蒲昌海而復東出於理不然乃東至積石山下有石門河水

冒以西南流是為中國河積石山屬鄯州禹之所道
自此始故其詳得聞焉遂過西平即鄯州又東南過
枹罕河州也有洮水從西來入焉又東過臨洮洮州
也有離水從西來入焉又東過金城允吾縣湟水從
西來入焉金城蘭州也遂轉而北過武威涼州也又
北至朔方故夏州也遂轉而東南又南過上郡白土
縣圖水從西來入焉上郡綏州也又南過隰州太寧
縣壺口山又南過北屈今慈州吉鄉也而為採桑津

又南過龍門有汾水從東來入焉龍門縣今隸河中
又南過夏陽梁山之東又南過汾陰縣西郃陽縣東
又南過蒲阪縣雷首山西蒲阪今河東也有涑水從
東北來入焉又南過華陰縣潼關渭水從西來入焉
遂轉而東過河北縣今陝州平陸也又東過陝縣底
柱山山在河中水分流包山而過湍急多覆溺舟船
又東崤水從右入焉是謂崤津亦謂之茅津又東左
過絳州垣曲縣湛水從北來入焉又東而為孟津又

東過河陽縣南洛陽縣北又東過溫縣沮水從西北
來入焉又東右過鞏縣洛水從西南來入焉左過成
臯縣北汭水從北來入焉成臯今孟州汭水又東過
大伾山下又東汭水從南來入焉又東過滎陽縣西
北而為棘津又東過滎陽縣鴻溝出焉鴻溝一名官
度水一名浪蕩渠今謂之汭河大禹塞滎澤開之以
引河水東南通淮泗浪蕩渠據桑欽所說即此也而
班固又云浪蕩渠受濟水至陳入潁未詳其實又東

北過懷州武陟沁水入焉又東過酸棗縣西濮水東
出焉或云漢文帝時河決酸棗東潰金隄發卒塞之
其水遂絕又東北而為延津又東北左過黎陽大伾
山黎陽今通利軍治也有淇水從西來入焉淇水即
降水也又東北過濮陽縣別出而為瓠子河漢武帝
時河決瓠子水注鉅野通于淮泗發卒塞之又東北
過東武陽今大名朝城也而為漯河又東北過大名
館陶縣別出而為屯氏河又東北過清河靈縣別出

而為鳴犢河靈縣隋省入博平今隸博州鳴犢至瀛
州蓀縣與屯氏河通三河今皆絕矣又北過德州平
原又東北過棣州厭次又東北過濱州渤海又東北
過青州千乘又東北過甲下邑別出一枝入濟又東
北入于海舊說禹道河至頓丘分為二渠一曰漯川
出武陽至千乘入渤海一曰北瀆出貝丘至大陸北
播為九河同為逆河入于海舊云大陸在鉅鹿北乃
故大陸縣唐改為昭慶宋開寶改為隆平近省為鎮

入趙州臨城然禹貢大陸當只是汲郡吳澤非趙州

大陸縣也漢成帝時河隄都尉許商上言古記九河之名有徒駭胡蘇鬲津今見在成平東光鬲縣界中自鬲津以北至徒駭其間相去二百里是九河所在徒駭最北鬲津最南徒駭在城平胡蘇在東光鬲津在鬲縣又知其餘六河以次推之曰大史曰馬頰曰覆釜在東光之北成平之南曰簡曰潔曰鈎盤在東光之南鬲縣之北今按圖志瀛州有成平故城又有

徒駭河永靜軍有東光縣東連滄州有胡蘇亭蓋因
河命名而滄州復有鬲津鉤盤大史河之名鬲縣故
城在德州與滄比境鄭氏云九河齊桓公塞之而北
瀆至王莽時亦絕故世謂王莽河今在永靜軍然臣
每疑禹之所道無二河按禹貢文東過洛汭至于大
伾北過降水至于大陸又北播為九河同為逆河入
于海又按武帝元光三年春河水徙從頓丘東南流
入渤海是為朝城之漯河然則今河之入海者入渤

海爾禹貢所謂入于海者由碣石之海碣石今在平
州北瀆者乃禹所道之河其後河犇漯川入于渤海
故瀆遂絕九河不復通蓋故瀆在北漯川在東河決
而東勢則然也恐非齊桓公所塞自河決漯川之後
北瀆遂微九河皆絕但王莽河上承北瀆下入逆河
為一河微通奈北勢高故後亦絕但由漯川爾大抵
河自西戎入塞經秦隴陝洛夾山而行故少有決徙
之患自河陽以下東至海千里平田虛壤故多奔決

無定流

瓠子河

東汜水鄭地水此則僖三十年秦軍汜南也謂之東
汜杜云在中牟按此水西分濟漯東北逕濟陰入于
河

南汜水鄭地水此則僖二十四年王處于汜是也謂
之南汜出汝州襄城縣浮城山北流至孟州汜水縣
入河汜舊音凡今音與辰巳之巳同蓋因傳寫之訛

後人音為文易

瀍水舊云出穀城縣潛亭北今穀城并為河南地東過洛陽至偃師縣又東入洛

澗水出河南新安縣南白石山東南入瀍

穀水出澠池縣陽穀谷東南至河南入洛

洛水出商州上洛縣冢嶺山桑欽云出謹舉山恐是上洛舊名謹舉東過熊耳山又東北過盧氏縣又東過河南縣穀水從西來入焉又東過洛陽南伊水從

西來入焉又東過偃師瀍水從西來入焉又東北過鞏縣東又北入于河班云行千七十里

伊水出虢州盧氏縣熊耳山東北過陸渾伊闕至洛陽縣南北入于洛班云行四百五十里

汧水出隴州吳山西北至汧源入渭

涇水出鎮戎軍筭頭山一名都盧山一名崆峒山一名丹頭山鎮戎古安定朝那縣也東南流至永興高陵縣入渭班云行千六十里

漆水出鳳翔普潤縣東或云出岐山經華原縣與沮水合南至富平縣入于渭

沮水出邠州界經華原縣北入于漆

洛水出同州蒲城縣洛水谷谷在荆山書云荆岐旣旅是也其水東南流至耀州富平入渭

渭水舊云出隴西首陽縣渭首亭南鳥鼠山首陽唐省入渭源隸渭州今隸熙州在州之東其水東過隴州汧源汧水從西北來入焉又東過鳳翔郿縣斜水

從南來入焉又東過槐里縣南澇水入焉槐里今永興興平縣又東北過咸陽縣澧水入焉又東北過高陵涇水入焉又東北過富平縣漆水入焉又東洛水入焉又東過臨潼縣灞水入焉又東至船司空縣入河船司空後省入華陰今隸華州班云渭水行千八百七十里

灞水出永興藍田縣終南山金谷東經臨潼縣北流入渭然長安志云灞水從上洛界入漢

澧水出永興藍田谷北入于灊

澧水出永興鄠縣終南山豐谷北至咸陽入渭

鎬水出鄠縣界至長安入清渠

斜

洮水出臨洮西羌中北至枹罕東入河

歷代封畛

臣謹按杜佑之序曰昔黃帝方制天下立為萬國易稱
首出庶物萬國咸寧及少皞氏之衰其後制度無聞矣

若顓帝之所建帝嚳受之創制九州統領萬國

雍荊豫梁冀青

徐充揚

至堯遭洪水而天下分絕使禹平水土還為九州

如舊制也舜攝帝位分為十二州

雍荊豫梁冀幽并青營徐充揚

故虞

書云肇十有二州是也夏氏革命又為九州塗山之會

亦云萬國四百年間遞相兼并商湯受命其能存者二

千餘國亦為九州分統天下

冀荊豫雍揚兗徐幽營營則禹貢青州也

載祀

六百及乎周初尚有千八百國而分天下為九畿方千

里曰王畿其外曰侯畿

亦曰服

又外曰甸畿又外曰男畿

又外曰采畿又外曰衛畿又外曰蠻畿又外曰夷畿要

服也又外曰鎮畿又外曰藩畿藩服也

侯甸男采衛蠻夷鎮藩即九畿

也各相去五百里為限

至成王時亦曰九州屬職方氏

揚荊豫青兗雍幽冀

并

其後諸侯相并有千二百國及平王東遷迄于獲麟

之末二百四十有二年諸侯擅兵征伐更相吞滅不可

勝數而見於春秋經傳者百有七十國爾

百三十九國知土地所在

其三十一國不知其處也

其蠻夷戎狄復不在其數逮乎下分地里

上配天象而所定躔次總標為一十二焉及周之末唯

有七國

秦昭王時西周盡獻其地邑三十六口三萬受獻而歸其人至莊襄王滅東西周國七城而已

秦制天下為四十郡其地則西臨洮而北沙漠東縈南

帶皆臨大海漢興以秦地太大更加置郡國其後開越

攘胡土宇彌廣改雍曰涼梁曰益又置徐州復禹舊號

置交

初為交趾後為交州

北有朔方

初為朔方後為并州

凡為十三州部刺

史

司隸并荆兗豫揚冀幽青徐益交涼

而不常所治至哀平之際凡新置

郡國六十三與秦四十合百三縣邑千三百一十四道

三十二侯國二百四十一地東西九千三百二里南北

萬三千三百六十八里此漢之極盛也後漢光武以官

多役煩乃併省郡國十縣道侯四百餘所其後亦為十

三州部司隸治河南

今河南府

豫治譙

今鄭縣

兗治昌邑

今魯郡金

鄉徐治邳

邳音談今臨淮郡下邳縣

青治臨淄

今北海郡縣

涼治隴

今天水郡

隴城縣

并治晉陽

今太原府

冀治部

許各反今趙郡高邑縣

幽治薊

今范陽縣

揚治歷陽

今郡縣

益治雒

今永昌郡

荆治漢壽

今武陵郡武陵縣

交治

廣信

今蒼梧郡蒼梧縣

漸復加置郡國至於靈獻凡百有五焉

縣道侯國千一百八十

桓帝永興初有鄉三千六百八十二亭萬二千四百二十

東

樂浪郡西敦煌郡南日南郡北鴈門郡西南永昌郡四

履之盛亦如前漢魏氏據中原有州十二司隸荆豫兗

青徐涼秦冀幽并揚雍

分涼州置秦州治上邽今天水郡揚治壽春今郡徐治彭城今

郡荆治襄陽今郡兗治武威今郡餘並因前代

有郡國六十八東自廣陵

文帝黃初

六年親征幸廣陵故城及旋師留張遼屯江都齊王嘉平後屬吳即今郡

壽春

母丘儉諸葛誕皆鎮之

合肥

明帝青龍元年滿寵於合肥西北三十里築新城吳軍頻攻不拔即今廬江郡故魏明帝云先帝東

置合肥南守襄陽西固祈山賊來輒破於三城之下者地有所必爭是也

沔口

建安十五年文聘為江夏

太守鎮焉其後吳軍頻攻不拔青龍後屬吳即今漢陽郡

西陽

黃初中滿寵令將襄陽守之今齊安郡

陽

建安二十四年徐晃守之蜀將關羽攻不下

重兵以備吳

是時江淮間除鎮兵之處更無

人居明帝青龍中吳孫權遣數千家佃於江北為滿寵破之

西自隴西

今郡

南安

今隴

西郡隴西縣齊王嘉平五年蜀將

祈山

明帝太和二年蜀將諸葛亮攻

姜維來伐攻隴西南安皆不剋

祈山城不拔今同谷

漢陽

明帝青龍二年蜀將諸葛亮來伐遣兵備此即今天水郡

郡長道縣東十里

陳倉

建安二十四年蜀將破夏侯妙才於漢中遂令張郃守陳倉太和二年諸葛亮以大衆攻之將軍郝

昭以千人守亮攻二旬餘不拔故城今在縣東二十里亮攻郃又不剋郃故城在今縣東北十五里並今扶風

郡重兵以備蜀蜀全制巴蜀置益

治成都

梁

治漢中

二

州有郡二十二以漢中

建安末破夏侯妙才遂有漢中以魏延鎮此後蔣琬姜維繼守

即今

興勢

後主延熙七年將軍王平守之魏大將軍曹爽攻不尅今洋州郡興道縣

白帝

先主

章武元年屯之遂為重鎮後主建興十五年吳將全琮來攻不尅即今雲安郡

並為重鎮吳主

北據江南盡海置交

治龍鰐今安南府

廣

孫權置治番禺今南海郡

荆

治南郡今

江陵郡

郢

治江夏即今郡

揚

治建業今丹陽郡江寧縣

五州有郡四十有三以

建平

自孫權黃武初破蜀先主後得之孫皓天紀四年晉軍沿流來伐守將吾彥請增兵皓不從今巴東

郡

西陵

建安二十四年蜀將關羽北討魏將于禁等于襄陽陸遜為宜都守鎮此黃武初蜀先主來伐

遜大破之後步闡陸抗並鎮焉即今夷陵郡

樂鄉

吳孫皓建衡三年陸抗所築樂鄉城後朱然修之成

焉晉王濬攻樂鄉復水軍督陸景平西將軍范洪以城降在今江陵郡松滋縣東

南郡

自建安末寇闕

羽後蜀將康芳來降遂得之孫皓鳳皇元年督將伍延守此晉軍平吳當陽侯杜元凱赴之斬伍延即今江陵

郡巴丘

建安十九年魯肅赴之孫皓寶鼎元年萬彧並鎮守即今巴陵郡

夏口

建安十三年孫

權征黃祖尅之後遂置兵鎮孫皓天紀元年孫慎守之及晉平吳將軍胡奮赴於此即今江夏郡

武昌

孫權甘露元年城武昌陸遜諸葛恪鎮守及晉平吳將軍王戎赴於此即今江夏郡是

皖城建安十九

年孫權尅之赤烏四年諸葛恪屯此今同安郡皖音患

牛渚圻

孫皓天紀末何植鎮守晉平吳大將

王渾赴於此即今宣城郡當塗縣採石也

濡須塢

建安十七年蔡後曹公頻來攻不尅在今歷陽縣西

南百八十里

並為重鎮其後得沔口

孫權嘉禾後陸遜諸葛瑾屯守

邾城赤

四年陸遜常以三萬兵戍之今齊安郡東西界臨江與江夏郡武昌相對

廣陵

孫亮建興三年衛尉馮朝

城廣陵

自三國鼎立更相侵伐互有勝負疆境之守彼此

不常纔得遽失則不暇存也今畧紀其久經屯鎮及要

害之地焉

其守將亦畧紀其知名者
餘不可偏舉他亦類此

晉武帝太康元年

平吳分為十九州部置司州治洛陽

今河南府

兗治廩丘

今濮

陽郡雷澤縣是

豫治項

今淮陽郡項城是

冀治房子

今趙郡縣

并治晉陽青

治臨淄徐治彭城荆初治襄陽後治江陵

今揚郡

初治壽

春後治建業涼治武威分三輔為雍治京兆

今府

分隴山

之西為秦治上邽

今天水郡縣

益治成都分巴漢之地為梁

治南鄭

今漢中郡縣

分雲南為寧治雲南

今郡

幽治涿

今范陽郡范陽

縣

分遼東為平治昌黎

今安東府

交治龍編

今安南府

分合浦之

北為廣治番禺又增置郡國二十有二凡州百五十有

六縣千一百有九以為冠帶之國盡秦漢之土及永嘉

南渡境宇殊狹九州之地有其二焉初元帝命祖逖鎮

雍丘

建武初逖北伐便屯雍丘今陳留郡縣

逖死北境漸蹙

大興四年逖死

於是

荆豫

自淮北今汝南汝陰南陽等郡以北

青兗四州

今東萊東牟高密北海淄川濟南等郡之

地及徐州之半

今彭城琅邪等郡

陷劉曜石勒以合肥

戴若思鎮守之

淮陰

劉隗鎮守即今山陽郡縣

壽陽

祖約鎮守後又陷於石勒石虎死後復之即今壽春郡地

泗

口

劉遐鎮守即今臨淮郡宿遷縣界

角城

安帝義熙中置亦在宿遷縣界

為重鎮成帝

時鄧守將退屯襄陽

咸和初魏該屯鄧為劉曜將黃秀所逼而退守襄陽後亦陷石勒尋

復之庾翼朱序皆鎮於此又為苻堅將苻丕所陷尋又復之即今郡

穆帝時平蜀漢

永和三年

桓溫西討擒李勢

復梁益之地

梁州則漢川益則蜀川是

又遣軍西入關至

灞上

十年桓溫討苻健於今京兆府萬年縣白鹿原戰敗

再北伐一至洛陽

永和十二年

年桓溫討燕慕容雋大破其將姚襄於伊水時襄已降

一至枋頭

廢帝太和三年桓溫又討慕容

暉敗還今汲郡衛縣界枋音方

所得郡縣軍旋又失洎苻堅東平慕容

暉

太和五年

西南陷蜀漢西北尅姑臧

孝武太和五年平則張天錫今武威郡

漢水長淮以北悉為堅有及堅敗

太和八年

再復梁

九年將郭寶平

梁益蜀郡太守任權斬苻堅

青徐兗豫司之地其後青

兗陷於慕容德

安帝隆安三年德據之殺幽州刺史辟閭渾時鎮廣固即今北海郡也

豫

司陷於姚興

隆安三年

以彭城為北境藩扞

朱序鎮守

後益梁陷

於譙縱

義熙初陷

每因劉石苻姚衰亂之際則進兵屯戍在

於漢中襄陽彭城然大抵上明

今江陵郡松滋縣

江陵夏口武

昌合肥壽陽淮陰常為晉氏鎮守

其刺史所治皆置州兵雖有不經攻圍互

是重鎮也
皆類此

義熙以後又復青兗司豫梁益之地而政移

於宋矣武帝北平廣固

時晉安帝義熙六年平慕容超得青州之地廣固即今北海

西定梁益

九年朱齡石平譙縱

又尅長安

十三年親征平姚泓

盡得河南之

地長安尋為赫連勃勃所陷至廢帝滎陽王景平中武

牢以西復陷後魏今大較以孝武大明為正凡二十有

二州揚治建業南徐治京口

今丹陽郡丹徒縣

徐治彭城南兗

治廣陵兗治瑕

今魯郡縣

南豫治歷陽荆治汝南

今汝南郡汝陽縣

江治尋陽

今郡縣

青治臨淄

初治歷城今濟南郡縣後治廣固後又移治臨淄即今縣

是冀治歷城司治義陽荆治南郡郢治江夏今郡湘治臨

湘今長沙郡雍治襄陽今郡梁治南鄭秦亦治南鄭益治成都

今蜀郡寧治建寧今雲南郡廣治南海交治龍編越治臨鄣今合

浦郡自東晉成帝時中原流民多南渡遂以江漢淮之間僑立州郡以撫其民中間併省廢置離合非一不能詳制焉今紀其所治經久者他皆類此郡凡二百三十有八縣千一百七

十有九初文帝元嘉中遣將北伐水軍入河尅魏碣磔

滑臺虎牢洛陽四城碣磔即今濟陽郡城滑臺今靈昌郡城虎牢今汜水縣洛陽今故洛

陽城碣磔音口其後又失又分軍北伐西軍尅弘農開方交反碣音教

二城

並今弘農郡

以東攻滑臺不尅而平礪礪守之尋皆敗

退

元嘉二十七年王元謨於滑臺敗歸時柳元景拔弘農開方及元謨敗亦棄而遁

於是後魏

主太武總師經彭城臨江屯於瓜步

今廣陵郡六合縣東

退攻盱

眙不拔而旋

臧質守之魏師攻圍三旬不拔今淮陽郡縣

明帝時後魏又南

侵淮北青冀徐兗四州及豫州西境悉陷沒

秦始二年徐州刺史

薛安都引魏軍自是沈文秀東陽城崔道固歷城並為

魏將慕容白曜所陷安都以彭城常珍奇以懸瓠並降

魏懸瓠今汝南郡城

則長淮為北境僑徐兗於淮南

淮陰立兗州鍾離立徐州

立青冀二州寄治顓榆

今東海郡東海縣顓古浚反

其後十年餘而

宋亡然初彊盛也南鄭襄陽懸瓠

元嘉二十六年後魏主太武率兵攻圍汝

南太守陳憲等距四十餘日魏人積屍與城齊不拔而退

彭城歷城東陽

榮陽王景平初竺夢

鎮守後魏攻圍數旬不赴即今北海郡治東城

皆為宋氏藩扞齊氏淮北之地

所以全少青州治朐山

今東海郡朐音衢

冀治渦口

今臨淮郡漣水縣

豫治壽春

北豫州自東晉以後或治淮南或治淮北不常其所今舉其要害之地

北兗治

淮陰北徐治鍾離又置巴東治巴

今雲南郡

其餘州郡悉因

宋代州二十有三郡三百九十有五縣千四百七十有

四其後頻為後魏所侵至東昏永元初沔北諸郡相繼

敗沒

今南陽郡地

又遣軍北伐敗於馬圈退屯盆城

魏馬圈城去襄

陽三百里時陳顯達攻圍四十餘日不拔魏援師至敗還在今丹陽郡界

又失壽春

永元二年豫州

刺史裴叔業以城叛入魏

後三年齊亡

齊氏七主凡二十四年內難繁興不遑外畧及東民暴虐

北境彌覺

始全盛也南鄭

明帝建武二年後魏大將元英來伐梁州刺史蕭懿守拒攻圍百餘

日不

樊城

今襄陽郡安養縣建武中後魏主孝文率兵十萬數旬攻圍將曹虎拒守不下

襄陽

義陽壽春

高帝遣垣崇祖鎮之謂曰兵衝要地宜備魏師俄而魏將王肅以大軍來攻敗而歸

淮

陽角城

明帝初後魏南侵以李安仁戍之

漣口朐山為重鎮梁氏州郡

多沿舊制天監中州二十有三郡三百五十縣千二十

有五其後更有析置大同中州百有七郡縣亦稱於此

自侯景逆亂建康傾陷墳籍散逸不可得而詳焉初武

帝受禪數年即失漢川及淮西之地

天監三年梁州刺史夏侯道遷以本

部叛降後魏自劒閣以北並陷沒又魏將元英破將軍馬仙琕於義陽失地

其後諸將頻年

與魏軍交戰於淮南淮北互有勝負

自天監四年以後將張惠紹尅魏宿

遷城韋叔尅合肥裴邃尅翟丘城朐山城尋皆敗唯合肥獨存

雖得懸瓠彭城俄而又

失天監六年魏軍主白早生豫州刺史胡遜以懸瓠普通六年徐州刺史元法興以彭城並內屬無何悉復

於魏又尅壽春

普通七年將夏侯亶元植等尅之獲魏揚州刺史李憲自齊東昏永元二年陷後魏

至是凡二十七
年南朝始復

大通初大舉北伐城鎮相次尅平直至

洛陽暫為梁有

大通元年魏將爾朱榮害胡太后及少主魏朝大亂遣將陳慶之率軍送元顥

為魏主入河陽六旬五日渡河守北中府城數日爾朱榮來攻數日顥敗慶之亦奔退所得之地尋亦失之中府地即今河陽北城是

其後又復漢中

大同中將蘭欽尅之自天監二年失漢川凡經四十

三年却復

至東魏將侯景以河南地降逆亂相尋有名無實

及景平後江北之地悉陷高齊漢川蜀川沒于西魏

太清

初侯景以十三州來降旋為東魏將慕容紹宗所敗二
年景舉兵反圍建康陷之及景平後元帝承聖初齊將
辛術南伐盡取淮南江北之地得傳國璽反于齊三年
西魏將達奚武陷漢川尉遲迴陷蜀川其漢川經九年

復失大抵雍州今襄下差音愴成漢東郡棗陽縣東南夏口白苟堆同大

中東魏靜帝遣將堯雄為南境守將雄曰白苟堆梁之北面重鎮請備之在今汝南郡真陽縣

今汝陰郡合州即合鍾離將康絢鎮守之淮陰朐山為重鎮天監

下蔡縣三年角城戍主柴慶宗以角城十一年東莞太守劉晰以朐山並降入魏陳氏比於梁代土

宇彌蹙西不得蜀漢北失淮肥以長江為境文帝天嘉初湘川之

地為周軍所陷二年侯瑱尅平之湘川有州四十有二

今澧陽武陵長沙衡陽等郡之地也地轉狹而州並多暨後州郡又數倍多於前代故不可詳郡百有九縣四百三十有

八宣帝大建中頻年北伐諸將累捷盡復淮南之地將吳

明徹於壽春城
斬高齊將王琳

更經畧淮北大破齊軍於呂梁及旋師

屬高齊國亡又總軍北伐至呂梁周軍來拒又大破之

自大建五年北伐七年破齊軍九年又破周
將梁士彥悉得梁淮北地以兵鎮下邳朐山

旋為周軍

所敗悉虜其衆

時梁士彥守彭城明徹來攻未下十年周將王軌來伐明徹退師全軍沒於清

自是江北之地盡沒于周又以長江為界

十二年周大將司馬

消難以淮西地來降又遣將周羅侯攻剋新野尋並失之

及隋軍來伐遣將守狼尾

灘後主禎明三年威旰守荆門

將仲肅據之

安蜀城

將顧

覺鎮之亦

公安

將陳紀鎮之

巴陵已下並風靡退散

信州

夷陵郡

道大總管清河公楊素自峽中舟師東下
東方守將相繼而破信州即今雲安郡也
隋軍自採石

隋將韓擒京口賀若弼襲陷之渡江而平之後魏起自北方至

道武率兵下山東攻拔慕容寶中山今北陵郡遂有河

北之地於是遷都平城今雲中郡慕容氏喪敗遣將南畧地

至于滑臺許昌今潁川郡彭城明元帝太恒中始於滑臺許

昌置兵鎮守道武天興中長孫肥等寇滑臺許昌尋不能守至是始有之太武帝時

又得蒲阪今河東郡長安統萬始光中遣軍伐赫連昌寇蒲阪及長安又寇統萬遂滅赫

連氏統萬即赫連所都今朔方郡是神麌中宋師來伐碣磳今濟陽郡城滑臺

虎牢

今河南府汜水縣是

戍將皆不守尋並復之

神嘉三年宋將到彦之王仲德

等陷滑臺虎牢洛陽遣安頡叔孫建等擊敗走之

太延以後東平遼東西平姑

臧

三年東伐馮氏五年西伐沮渠並滅之

於是西至流沙東接高麗所未

得者漢中及南陽懸瓠彭城青州之南而已其後帝自

南征遂臨瓜步宋淮北城鎮守將多有敗沒

太平真君十二年因

宋將王元謨來侵剋碣磔城戍將濟州刺史王買得棄城而走宋師至滑臺敗帝參勝至江上

獻文天

安初自河之南長淮之北皆為魏有

時因宋晉安王子勛之亂遣將慕容

白曜畧地破宋將沈文秀異衆敬薛安都崔道固常珍等遂有其地

孝文遷都洛陽

太和十九

年徒都

頻歲親征皆渡淮沔

二十年屯八公山三十一年屯新野及樊城

宣武

初又得壽春

景明初齊將裴叔業以壽春來降後至明帝孝昌二年又陷入梁

續收漢

川至于劔閣兼得淮西之地

正始初梁將夏侯道遷以漢中降又元英破梁將馬

仙琕於義陽遂有其地

莊帝時梁軍洛陽數旬敗走

永安初因爾朱榮害胡太

后少帝之亂梁將陳慶之送元顥為魏主

爾後內難相繼不暇外畧三四年

後分為東西魏矣皆權臣擅命

詳周齊事中

自永安末年爾

朱世隆稱兵入洛圖籍散亡不可詳紀今按舊史云管

州百十有一郡五百十有九縣千三百五十有二

按魏收史

所載州郡見東魏靜帝武定中其時洛陽以西
及關中梁益之地悉屬西魏收猶總而編之
自太武

以後漸更強盛東征西伐尅定中原屬宋明以後及於

齊梁國土漸蹙自守不暇雖時有侵掠而退不旋踵故

魏之城鎮少被攻圍因利進取不常所守也北齊神武

東魏天平末大舉西伐至蒲津靜帝天平四年三道伐西魏齊神武自總大衆

至蒲津竇泰自風陵濟河至潼關高敖曹入武關陷西
上洛以泰軍敗沒並旋師風陵在潼關北岸相對

魏乘勝攻陷陝州周文帝率李弼等東征下陝州禽刺史李祥伯即今陝郡神武西

至沙苑其年冬大敗而歸今馮翊郡界西軍又乘勝襲陷洛陽西魏將獨孤如

顧據明年西師又至於河陰今洛陽縣北時拒守河陽城潘

樂守北城即舊城高永樂守南西師敗歸大孝元年周

城即今城後周文帝親征不克走神武遂毀其城其後神武攻圍西魏玉壁不克元興

四年西魏將王思政守之今絳郡搜山縣西師來伐至於邛山武定初周文

帝之敗殺後神武又圍玉壁不克武定四年西魏文襄

遣將圍潁川拔之自武定五年冬攻圍於是河南自洛

陽之西河北自晉之西今平陽郡悉入西魏文宣之世命將

畧地南際于江矣天保二年屬候景亂梁遣辛術南討

遂得傳國璽又過江得梁夏口後二

國通和旋師矣

武成河清中築戍於軹關

河清二年遣斛律光築之今河南府濟源

界

其年周軍至洛陽敗還

晉公護統軍將楊

後主武平

中陳軍來侵盡失淮南之地

武平五年以後陳將吳明徹頻歲來侵淮南城鎮皆

不守諸將累敗

周師攻拔河陰大城

周武親征有疾班師

後主隆化末西

師攻拔晉州

今平陽郡

因之國滅

齊都於鄴即今郡縣

自東魏之後天

下三分梁陳有江東宇文有闕西高氏據河北有州九

十有七郡百六十縣三百六十有五

文宣天保七年已併省州三郡百五

十三縣五百八十九鎮二戌二十六

當齊神武之時與周文帝抗敵十三

四年間凡四出師大舉西伐周師東討者三焉

畧舉齊神武周

文帝統師親征諸將攻戰則不復紀

自文宣之後纔守境而已大抵西則

姚襄城

今文城郡西城姚襄所築西臨黃河控帶龍門之險周齊交爭之地後主武平二年大將斛律

光破周兵於此遂立鎮焉

洪洞

今平陽郡縣北故城控據要險崇化末周師旣尅晉州其城主張元靜以

城降

晉州武平關

三關並今絳都正平縣界

栢崖

城侯景所築今河清縣西

軹關

河陽南則虎牢

陸子章增築城守

洛陽北荆門

今陸渾縣東北故城是

孔

城防

今伊闕縣東南故城是

汝南郡

今臨汝郡梁縣南

魯城

今汝南郡魯山縣東北

置兵以防周寇

自洛陽之南襄城汝陰汝南以北皆齊有

及陳師侵軼數歲

齊亡南境要害未遑制置也周文帝西魏大統中東魏

師至蒲津

文帝大統二年齊神武親征至蒲津以竇泰死退軍

文帝東征尅陝州

兼得宜陽郡邵郡

邵郡今絳郡常縣宜陽郡今福昌郡

東師又至沙苑

其年

冬齊神武親征大敗走

後文帝東征至河陰先勝後敗

大統四年殺魏將高

教曹也築城於玉壁

大統八年將王思政築之齊神武攻圍不尅至十二年韋孝寬守之齊神

武又攻圍六旬不尅

文帝又至邙山先勝後敗

大統九年

得梁雍州

十六

年梁雍州刺史岳陽王警舉州內附

廢帝初尅平漢中

自梁侯景逆亂遣將達奚武尅之

又遣軍平蜀

將尉遲迴尅之

文帝西征至姑臧後又平江陵

齊王

廓後元初于謹
平之殺梁元帝

自是疆理西有姑臧西南有金蜀南至

于江矣

明帝武成二年將賀若弼寇陳湘州之地三年失之今澧陽武陵長沙衡陽等地是

其河

南自洛陽之東之北河東自平陽之界屬于高齊至武

帝建德中東征拔齊晉州城尋又東征破齊師於晉州

城下

建德五年攻拔晉州使梁士彥守之齊後主來攻三旬餘不拔六年又破齊後主軍

乘勝平

齊後遣軍破陳軍於呂梁

將王軌破陳將吳明徹悉虜其衆也

其東南之

境盡于長沙通計州二百十有一郡五百八縣千二十

有四當全盛戰爭之際則玉壁

初王思政守後韋孝寬守東軍攻不拔遂置勲

州邵郡齊子嶺

今王屋縣東二十里周齊分界處

通洛防

故函關城武帝保定中改

名今在新安縣東

黃櫨三城

今永寧縣西北

宜陽郡陝州土剗

今長水郡西北

二十里三荆

將獨孤信畧定北荊州今即伊陽縣東荊州後改曰淮州今淮安郡荊州今南陽郡

三

鷄鎮

今汝州魯山縣西南名平高城

置兵以備東軍隋文帝開皇三年

遷都大興城

即今城

遂廢諸郡以州治民

自三代以前為九州兩漢加置

十三州晉宋之後分析漸多至于魏齊後周雖割據鼎立天下分裂其於州郡乃倍兩漢之地隋氏以官繁民弊遂廢五百餘郡而以州治民名則因循職事同於郡守無復刺舉之任

自九載廓定江表

尋以戶口滋多析置州縣煬帝大業初移洛陽城

即今城

又征林邑更置三州既而併省諸州三年改州為郡乃

置司隸刺史分部巡察

本史不分別所置諸郡

五年平定吐谷渾

更置四部大凡郡百九十縣千二百五十五東西九千

三百里南北萬四千八百一十五里東南皆至于海西

至且末

隋氏西境唯得今燉煌郡以東且子余反

北至五原

即今九原郡按隋氏北境唯至

于河隋氏之盛蓋極於此矣及唐高祖武德初又改郡為

州太守為刺史其邊鎮及襟帶之地置總管府以領軍

戎至七年改總管府為都督府自因隋季分割州府倍

多前代貞觀初并省州縣始於山河形便分為十道一
曰關內道二曰河南道三曰河東道四曰河北道五曰
山南道六曰隴右道七曰淮南道八曰江西道九曰劔
南道十曰嶺南道旣北殄突厥頡利西平高昌東西九
千五百十里南北萬六千九百十八里高宗平高麗百
濟得海東數千餘里旋為新羅靺鞨所侵失之又開四
鎮即西境拓數千里至于閩疎勒龜茲焉耆諸國美景
雲二年又分置二十四都督府分統諸州時議以權重

不便尋罷之開元二十一年分為十五道置採訪使以

檢察非法京畿

治西京城內

都畿

治東郡

關內

多以京官選領

河南

治陳

留河東

治河東郡

河北

治魏郡

隴右

治西平郡

山南東

治襄陽郡

山南西

治漢中

劍南

治蜀郡

淮南

治廣陵郡

江南東

治吳郡

江南西

治豫章郡黔

中

治黔中郡

嶺南

治南海郡

又於邊境置節度經略使式遏四夷

節度使十經略守捉使三

大凡鎮兵四十九萬人戎馬八萬餘匹每

歲經費衣賜則千二十萬疋段軍倉則百九十萬石大

凡千二百十萬

開元天寶每歲邊用不過二百萬

其地東至安東都護

府西至安西都護府南至日南郡北至單于都護府南

北如前漢之盛東則不及西則過之

漢之東境有樂浪郡西境有燉煌郡

今東極安東府則漢遼東郡也其漢之元菟樂浪二郡並在遼東郡之東今悉為東夷之地矣今西極安西府其伊吾交河北庭安西則漢代戎胡所據皆未得而詳九州之區域在昔顓帝及

于陶唐分而為九其制最大

顓帝置九州堯時洪水使禹治水還為九州舜分為

十二州夏商並為九州按周之本制起於顓帝辨其疆界始於禹貢今分別地里故以為首

雍州西

據黑水東距西河

黑水今張掖郡西河則龍門之河今京兆華陰馮翊扶風汧陽新平安定

彭原安化平涼靈武五原寧朔洛交中部延安咸寧上郡銀川新秦朔方九原榆林安北天水隴西金城會寧

安鄉臨洮和政寧塞西平武威
張掖酒泉晉昌燉煌等郡也

豫州西南至荆山北距

河

荆山在今襄陽郡南其北境至于河今河南府陝郡之南境弘農臨汝滎陽陳留睢陽濟陰譙郡潁川淮

陽汝陰汝南淮安襄陽武當漢東等郡地

冀州唐虞之都以餘州所至則是

其境

西境雍州南境豫州東境兗州皆以河為界河自今文城絳郡西龍門南流至華陰東過今汲郡黎

陽縣東大岯山又東入于海今河內汲郡鄴都廣平鉅鹿信都趙郡常山博陵河間文安饒陽上谷范陽順義

歸化歸德媯川漁陽密雲北平柳城河東絳郡陝郡之北境平陽高平上黨樂平陽城大寧文城西河太原昌

化樓煩鴈門安襄安邊兗州舊為濟河之間

孔安國云東南據濟

馬邑雲中單于等郡地

西北距河今靈昌濮陽濟陽東郡清河魏郡博平東平平原樂安景城等郡地是也

青州東北據

海西距岱

岱泰山也今在魯郡界自泰山之東至于海今北海濟南淄川東萊東牟高密安東等郡

是徐州東據海北至岱南及淮

自泰山之南淮之北海之西也今彭城臨淮魯

郡東海琅邪等郡地是也

梁州東據華山之陽西距黑水

華山之陽今華陰之

西南黑水出張掖郡南流北海即巴蜀之地皆是也今上洛漢中洋川安康房陵通川潯山南平涪陵南川瀘

川清化始寧戎安符陽巴川南賓南浦閬中南充安岳盛山雲安犍為陽安仁壽通義和義資陽南溪河池武

都同谷順政懷道同昌陰平江油交川合川益昌晉安巴西梓潼遂寧蜀郡德陽濛陽唐安臨邛廬山通化越

雋雲南洪揚州北據淮東南距海

北自淮之南東南距于海閩中以北地今

廣陵淮陰鍾離壽春永陽歷陽廬江同安蘄春弋陽宣城丹陽晉陵吳郡餘杭新定新安會稽餘姚臨海緡雲

永嘉東陽信安鄱陽尋陽之東境豫章臨川廬陵宜春
南康建安長樂清源漳浦臨汀潮陽郡地自晉以後歷
代史皆云五嶺之南至于海並是禹貢揚州之地按禹
貢物產貢賦職方山數川浸皆不及五嶺之外又按荆
州南境至衡山之陽若五嶺之南在九州封域則以隣
接宜屬荊州豈有捨荆而屬揚斯不然矣此則近史之
誤然則嶺南之荊州北據荆山南及衡山之陽荆山在
今襄陽
地非九州之境

郡界南至今衡陽郡桂嶺之北皆是也今江陵夷陵巴
東景陵富水安陸齊安漢陽江夏義陽尋陽之西境長
沙巴陵衡陽零陵江華桂陽連山邵陽武陵澧陽黔中
寧夷涪川廬溪廬陽靈溪潭陽清江播川義泉夜郎龍
溪等

郡地 其雍州西境流沙之西荊州南境五嶺之南所置

郡縣並非九州封域之內也凡郡之土宇秦氏分制罷

侯置守列為四十其境可知內史

雍州之域今京兆華陰馮翊扶風汧陽新

平及梁州之域

北地

雍州之域今安定彭原安化

隴西

上雒郡地皆是

平涼

靈武五原

寧朔等郡地

隴西

雍州之域今天水

隴西

會寧安鄉

上郡

雍州之域今洛

和政及梁州之域

河池

郡地皆是

上郡

交中郿延安咸

寧上郡銀川新秦

九原

雍州之域今九

三川

荆河之域

朔方等郡皆是

九原

原安北皆是

三川

今河南府

陝郡之河南地

弘農

臨汝蒙陽陳

碭郡

豫州之域今睢

留及冀州之域

河內

汲郡地是也

碭郡

豫州之域今睢

兗州之域東

潁川

豫州之域今潁川

淮南

豫州之域

平郡地是也

潁川

陽汝南等郡地是也

南陽

今南陽淮

安漢東武當及荊州

邯鄲

冀州之域今廣平

鄆信都

上

之域義陽郡地是也

邯鄲

之西南境鉅鹿之南境

上

上

谷

冀州之域今上谷

范陽文安河間

魏川

順義縣化歸

德博陵之東境

饒陽之北境

及兗州之域

景城之北

北

境皆**鉅鹿**冀州之域今常山趙郡之東北境博陵之西是也

清河景城**漁陽**冀州之域今漁陽之南境是也**右北平**冀州之域今北平郡之域是也

境**遼西**冀州之域今柳城及**遼東**青州之域今安東府是也**河東**冀州之域今平陽大寧文城等郡是也

之域今河東絳郡陝郡之北**上黨**冀州之域今上黨高平樂平陽城等郡地

太原冀州之域今太原西河昌化定**代郡**冀州之域今襄鴈門之南境樓煩等郡是也

北境**鴈門**冀州之域今為鴈門郡之**雲中**冀州之域今是也

及雍州之域**東郡**兖州之域今靈昌濮陽濟陽魏郡博榆林郡是也

齊郡兖州之域今平原樂安及青州之**薛郡**徐州之域是也

域北海濟南淄川東萊東牟郡是

通志 四

海郡琅邪青州之域今高密及徐泗水徐州之域今彭是也

漢中

梁州之域今漢中洋川巴郡梁州之域今通川隣

川清化始寧咸安符陽巴川南賓南浦閬中南充盛山雲安及安岳郡之東境皆是蜀郡梁州之

西普安梓潼遂寧益昌蜀郡德會稽揚州之域今晉陵

陽濛陽唐安臨邛廬山郡地是吳郡餘杭會稽餘

姚東陽信安縉雲臨海永嘉及丹閩中揚州之域今建

陽之東境兼吳興郡之東境地是安長樂清源漳

浦臨汀郡南郡荆州之域今江陵清江巴東景陵富水

地皆是也安陸齊安漢陽江夏及荆州之域襄陽

郡地長沙荆州之域今長沙巴陵衡陽零黔中荆州之

皆是陵江華桂陽連山邵陽郡地是域今武

陵澧陽黔中寧夷盧陽南海南越之域今南海始興義

靈溪潭陽郡地皆是也寧海豐恩平南陵臨賀高

要感義晉康臨封開陽高涼連城新興
銅陵懷德揚州之域今潮陽郡皆是也
桂林南越之域今始安平

樂蒙山開江蒼梧潯江鬱林平琴安城賀水桂林象郡
龍城融水朗寧懷澤寧仁合浦橫山循德龍池永定郡

地皆象郡南越之域今招義南潘普寧陵水南昌定川
是也寧越安南武義龍水忻城九真福祿文陽日

南承化玉山合浦安樂
海康溫水湯泉郡皆是
其餘郡府自漢已後歷代開拓

四夷之地今隴右道武威張掖西平寧塞酒泉晉昌敦
煌伊吾交河北庭安西武都臨洮懷道合川

山南西道順政劔南道犍為陽安安岳之西境仁壽通
義和義資陽南溪同昌陰平油江文川通化臨翼江源

歸城靜川蓬山恭化雞川雲山越雋雲南洪源黔中道
涪川播川夜郎義泉漆溪嶺南道臨潭扶南正平樂古

朱崖昌化延德瓊
山萬安郡地皆是
爰自漢代至于有隋或郡國參置或

年代短促州郡無常增省而離合不一疆理難詳

開元十道圖

臣謹按唐開元十道圖其山川之所分貢賦之所出
得禹貢別州任土之制遠不畔古近不違今載之六
典為可書也

一曰關內道古雍州之境今京兆華同岐邠隴涇寧坊
鄜丹延慶鹽原會靈夏豐勝綏銀凡二十有二州焉

其原

慶靈夏延又管諸蕃
落降者為羈縻州

東拒河西抵隴坂南據終南之山

北邊沙漠

河歷銀綏延丹同華六州之界隴坂在隴州之西終南山在京兆之南沙漠在豐勝二州

北之其名山有太白九嶷吳山岐山梁山泰華之嶽在焉

太白在京兆武功縣九嶷在奉天縣吳山在隴州岐山在岐州梁山在同州韓城縣華岳在華州

其大

川有涇渭灞澧

涇水出涇州至京兆入渭渭水出渭州歷秦隴岐京兆同華六州入于河灞澧

並出京厥賦絹綿布麻

京兆同華岐四州調綿絹餘州布麻開元二十五年勅闕輔既

寡蠶桑每年庸調並宜折納粟造米支用其河南河北不通水運州宜折租造絹以替關中

厥貢岱

赭鹽山角弓龍鬚席蓂蓉野馬皮麝香

京兆紫草席地骨白皮酸棗仁

華州蓂蓉蓂神細辛同州皀文吉莫皮岐隴涇寧鄜坊丹等州龍鬚席原夏等州白檀夏州角弓鹽州鹽山會

州馳褐靈州鹿角膠岱楮花蓂蓉鵬翎靈州豐州野馬
皮勝銀等州女稽布邠州火筋翦刀華豆澡豆丹延慶
等州麝香遠夷則控北蕃突厥之朝貢焉二曰河南道古豫

兗青徐四州之境今河南府陝汝鄭汴蔡許豫潁陳毫
宋曹滑濮鄆濟齊淄徐兗泗沂青萊登密海凡二十有

八州焉東盡于海西距函谷南瀕于淮北薄于河在青

萊登密海泗六州之境函谷在虢州淮水出唐州潁潁
潁亳泗四州之南境黃河歷虢陝河南汴鄭滑濮濟淄
青十州之北境名山則有三嶠少室砥柱蒙山嶧山嵩岱二嶽

在焉三嶠在河南永寧縣界少室在登封縣砥柱在陝
州河北縣蒙山在沂州費縣嶧山在兗州鄒縣中

嶽嵩山在河南告成縣東嶽泰山一名岱山在兗州乾封縣皆是

大川有伊洛汝潁沂

泗之水淮濟之瀆

伊出河南伊陽縣北流入洛洛出商州上洛縣經虢州河南入河汝水在

汝州潁水在潁州沂泗二水並出兗州淮水源在唐州桐柏縣濟水源在河南濟陽縣

厥賦絹純

綿布

陝許汝潁州調以純綿唐州麻布餘州並以絹及綿

厥貢紬純文綾絲葛水

葱蘆心席瓷石之器

鄭汴許陳毫宋曹濮鄆徐等州絹汝州曲純陝潁徐三州紬純僊滑

二州方紋綾豫州鴻鴻綾雙絲綾著草基子潁州綿兗州鏡花綾齊州絲葛潁兗齊等州防風青州仙紋綾鄭

州麻黃許州蘆心席登州水葱席陝州括蔓根栢子仁曹州蛇抹子濟州阿膠泗水貨布沂兗等州紫石英萊

登密等州牛黃登州文石器海密等州布海州楚布萊州石器河南府瓷器

遠夷則控海東

新羅日本之貢獻焉三曰河東道古冀州之境今太原

潞澤晉絳蒲號汾慈隰石沁儀嵐忻代朔蔚雲

號州或屬河南

凡十有九州焉東距恒山西據河南抵首陽太行北邊

匈奴

恒山太原之東河水經嵐石隰慈絳蒲六州之西境首陽在蒲州南太行在澤州南

其名山

則有雷首介山霍山崞山

雷首在蒲州介山在汾州霍山在晉州崞山在代州一名

五臺

其大川有汾晉及丹沁之水

汾水出忻州歷太原汾晉絳蒲五州入河

晉水出太原晉陽入汾并水出澤州沁水出沁州歷晉絳澤三州至懷南入河

厥賦布繡

蒲州調以

繡餘州並用麻布

厥貢頊扇龍鬚席墨蠟石英麝香漆人參

太原

龍骨甘草礬石銅鐵潞州墨人蔘花密兔絲子澤州白石英野鷄禹餘糧晉州蠟燭絳州防風蒲州龍骨竹扇虢州硯瓦地骨白皮汾州石膏慈州蠟隰石二州胡女布晉汾二州龍鬚席儀澤潞等州人蔘嵐虢忻等州麝香忻州豹尾代州熟青熟綠朔代四曰河北道古幽冀二州白鵬翎蔚州松子雲州鵬翎

二州之境今懷衛相洺邢趙恒定易幽莫瀛深冀貝魏

博德滄棣媯檀營平安東凡二十有五州焉

其幽營安東又管羈

州東並於海南迫于河西距太行恒山北通渝關薊門

海在棣滄幽平營五州之東河水經懷衛相魏博德棣七州之南境太行在懷州北恒山在定州西渝關在平州東薊門其名山有林慮白鹿封龍井陘碣石之山恒在幽州北

嶽在焉

林慮在相州西白鹿在衛州北封龍在趙州西井陘在恒州西碣石在營州東恒山北嶽在定

州恒

其大川有漳淇呼沱之水

漳水出潞州歷相洛邢冀滄入海淇水出衛州

陽縣

與清水合歷魏貝德滄四州與漳水合呼沱在定滄二州界亦與漳水合

厥賦絹綿及絲

相州

調兼以絲餘州皆以絹綿

厥貢羅綾平紬絲布綿紬鳳翽葦席墨

相州

貢春羅孔雀等羅定州兩窠紬綾懷州牛膝洛博魏等

州平紬邢州瓷器魏州綿紬衛趙莫冀等州綿瀛深冀

德棣等州絹相州紗鳳翽席胡粉邢州絲布恒州羅定

州紬綾幽州范陽綾貝州白氈滄州葦席柳箱媯營歸

順等州麝香檀州安東府人參平州蔓荊子薊州

鹿角膠易州墨燕州墨豹尾安東單于野馬皮

遠夷

則控契丹奚靺鞨室韋之貢獻焉五曰山南道古荆梁

二州之境今荆襄鄧商復郢隨唐峽歸均房金夔萬忠

巴上十六州
為山南道

梁洋集通開壁巴蓬渠涪渝合鳳興利閬

果

巴上
西道

凡三十有三州焉東接荆楚西抵隴蜀南控大

江北據商華之山

江水自蜀歷渝涪忠
萬夔歸峽荆八州界

其名山有蟠冢

熊耳巫峽銅梁荆山峴山

蟠冢在梁州金牛縣熊耳在
商州上洛縣巫峽在夔州巫

山縣銅梁在合州石鑑縣荆山在
商州荆山縣峴山在襄州襄陽縣

大川則有巴漢沮洳

之水

巴水在合州界入江漢水源出梁州金牛縣初名
漾水一名沔水歷洋金均襄郢荆復七州至沔州

入于江沮水源出房州永清縣至
荆州界入江洧水出鄧州南入漢

厥賦絹布綿紬

梁利
隨均

荆襄雜用綿絹合州調以

綿紬餘州並調以麻布
厥貢金漆蜜蠟燭銅鐵芒消

麝香布交梭白穀細紵綾葛綵綸蘭干

利州貢金銅鐵
荊州交梭穀子

方穀紋綾襄州漆隱起庫路真鄧利果等州絲布襄均
房商等州麝香復郢開等州白紵隨州綾唐州絹峽州
芒消歸州紵麻布金州麩金萬州金忠州蕪薰席梁州
燕支紅花洋州白交梭壁巴蓬通忠渠等州綿紬集通
合等州白藥子通州絳香渠州買子木并子漳州連頭
獠布渝峽隨等州葛合州牡丹皮閬州重蓮綾襄州白
穀鳳州蠟燭巴州蘭干布房州紵襄州烏漆
碎石文漆器白綸巾興鳳集夔等州蜜蠟
六曰隴右

道古雍梁二州之境今秦渭成武洮岷疊宕河蘭鄯廓

已上
隴西涼甘肅瓜沙伊西北庭安西

已上
河西

凡二十有一州

焉

其秦梁鄯洮北庭安西甘岷又管羈縻州

東接秦州西逾流沙南連蜀及

吐蕃北界朔漠

流沙在沙州已北連延數千里

其名山有秦嶺隴坻西

傾朱圉積石合黎崆峒三危鳥鼠同穴

秦嶺在秦州上邽縣隴坻在清

水縣西傾在洮州之西南朱圉在秦州伏羌縣積石在

河州枹罕縣合黎在甘州張掖崆峒在肅州福祿三危

在沙州燉煌鳥鼠

其大川則有洮水弱水羌水

洮水出西羌中

同穴在渭州渭源

岷蘭二州界入河弱水在甘州

刪丹縣羌水歷宕武文三州之界河瀆及休屠之澤在

焉

河水歷廓河鄯蘭等州界休屠澤在梁州界

厥賦布麻厥貢楚金礪石碁

石蜜蠟蠟燭毛毼麝香白氎及鳥獸之角羽毛皮革

廓宕

二州貢麋金宕州散麝香沙州碁子肅州蠟石成州武
州蠟燭洮州毛毳涼州毳布甘肅涼瓜等州野馬皮西
州白氍毹瓜州吉莫皮伊州陰牙角胡桐律鄯州特羊
角野馬皮岷秦二州龍鬚席犛牛尾鵬翎秦州芎藭肅
州肉苁蓉栢脉根瓜州草豉子北庭州速霍角陰牙角
阿魏截根安西緋氍毹砂陰牙角羶毛甘沙渭河蘭疊
等州麝香遠夷則控西域胡戎之貢獻焉七曰淮南道古揚

州之境今揚楚和滁濠壽廬舒蘄黃沔安申光凡一十
有四州焉東臨海西抵漢南據江北距淮

海在揚楚二
州東漢在沔

州淮水經申光壽濠楚五州北境入海其名山有八公

江水經沔黃蘄舒和揚六州南境入海

灊大別霍山羅山塗山

八公山在壽州壽陽縣大別山
在壽州霍山縣霍山一名天柱

在舒州懷寧縣自漢以來為南嶽隋文帝開皇九年以南嶽山為南嶽廢霍山為名山羅山在申州塗山在濠

州鍾離縣

其大川有滁肥之水巢湖在焉

滁水源出廬州合肥縣巢湖在合肥

巢二縣界

厥賦絕絹綿布

淮南道庸調雜有紵黃大麻等布壽州以絕布綿麻安光二州麻黃

絕絹申州綿絹

厥貢交梭紵絺孔雀熟絲布青銅鏡

揚州進青銅鏡莞席

細紵廬州交梭申光二州貢絺紵葛楚州貢孔雀布和州紵練滁沔二州麻黃布蕪舒二州白紵布黃州紵黃布烏蛇安州青紵布壽廬光等州生石斛壽州葛布廬州貢熟絲布八曰江南道古揚州

之南境今潤常蘇湖杭歙睦衢越婺台溫明括建福泉

汀已上東道

宣饒撫虔洪吉郴袁江鄂岳潭衡永道邵澧朗

辰錦施南溪叙思黔費業巫夷播漆珍凡五十有一州

焉

黔中又管
羈縻州

東臨海西抵蜀南極嶺北帶江

海水在蘇
杭越台溫

括泉福八州之東江水經岳鄂
江宣潤常蘇七州之北入海

其名山有茅山蔣山天

目會稽四明天台括蒼縉雲金華大庾武夷廬山而衡

嶽在焉

茅山在潤州丹陽句容二縣界蔣山一名鍾山
在潤州江寧縣天目在杭州於潛縣會稽在越

州山陰縣四明在餘姚縣天台在台州始豐縣括蒼縉
雲皆在括州金華在婺州大庾在虔州南康縣武夷在
建州崇安縣廬山在江州尋
陽縣衡山在衡州湘潭縣

其大川有浙江湘贛沅澧

之水洞庭彭蠡太湖之澤

浙江水有三源一出歙州一
出衢州一出婺州歷睦杭越

三州界入海湘水出桂州湘源縣北流歷永衡潭岳四
州界入洞庭湖贛水經虔吉洪三州界入彭蠡沅水歷平
辰朗岳四州界入洞庭澧水源出澧州石門縣至岳州
界入洞庭湖洞庭在岳州巴陵縣界彭蠡湖一名宮亭
湖在江州尋陽縣界太湖
在蘇常湖宣四州縣界
厥賦麻紵
潤州調火庶餘
州並以紵布
厥

貢紗編綾綸蕉葛練麩金犀角鮫魚藤紙朱砂水銀零

陵香

潤州方基水波綾常州紫綸布兔褐蘇州紅綸布
杭越二州白編睦越二州交梭衢婺二州藤紙綿

越州吳綾建州蕉花練福州蕉海蛤泉括二州綿饒衡
巫等州麩金犀角洪撫江潭永等州葛蘇州吳石脂吳
蛇牀子台州金漆乾薑甲香江州生石斛鄂江二州銀
永州石燕道州零陵香澧州龜子綾五入簾朗州紵練
辰綿二州光明砂水銀溪錦二州朱砂常湖歙宣虔吉
表岳道等州白紵布施宣二州黃連宣州綺南州班布

思黔費業漆珍等州蠟夷
州蠟燭溫台二州鮫魚皮

遠夷則控五溪之蠻九曰劔

南道古梁州之境今益蜀彭漢綿劔梓遂普資閬陵邛

眉雅嘉榮瀘戎黎茂龍扶文當松靜柘翼悉維雋姚凡

三十有三州焉

其黎戎瀘戎松雋姚又管羈縻州靜柘翼悉維五州並管羌夷

東連牂

犍西界吐蕃南接羣蠻北通劔閣

劔閣在劔州普安縣界今謂之劔門

其

名山有峨眉青城鶴鳴岷山

峨眉山在嘉州青城在蜀州鶴鳴在蜀州晉源縣岷

山在岷州劔南道之西界北

其大川有涪雒及西漢之水江瀆在焉

涪水歷松龍綿梓遂合六州界入江雒水出漢州什邡縣經益簡資瀘四州界入江西漢水歷利閬果合四州

界入江大江水自松州甘松嶺經翼茂彭
蜀益陵眉嘉戎瀘十州之界入山南道

厥賦絹綿葛

紵瀘州調以葛紵等布餘

厥貢麩金羅綾綿紬交梭彌

牟布絲葛麝香羚羊犀牛角尾

益蜀二州單絲羅益州
高杼衫段彭州交梭簡

州綿紬漢州紵布彌牟布綿州雙紉梓州遂州擣蒲綾
戎普瀘等州葛印劒雋等州絲布龍雅眉嘉資等州麩

金姚茂扶靜文悉松維當柘翼等州麝香劒州蘇薰席

普州天門冬煎榮州班布黎州蜀椒龍州羚羊角當靜

柘等州當歸羌活松州狐尾悉州

當歸犀牛尾維州犀牛尾姚州金遠夷則控西洱河羣

蠻之貢獻焉十曰嶺南道古揚州南境今廣循潮漳韶

連端康岡恩高春封辯瀧新潘雷羅儋崖瓊振

已上廣
府管內

桂昭富梧賀龔象柳宜融古巖

已上桂府管內

容藤義賓禺白

廉繡黨牢巖鬱林平琴

已上容府管內鬱林平琴二州複名

邕賓貴橫欽

潯漢龍田武環澄

已上邕府管內

安南驩愛陸峯湯長福祿龐

已上安南管內福祿一州複名

凡七十州焉

其五府又管羈縻州

東南際海西極

羣蠻北據五嶺其名山有黃嶺及鬱水之靈洲焉

黃嶺在廣

州賓安縣靈洲在廣州南海縣鬱水之中

其大川有桂水鬱水

桂水出桂州臨源縣

富梧三州界入鬱水鬱水一名浪水

厥賦蕉紵落麻

廣州等調

以紵布端州調蕉布康封二州調以落麻布

厥貢金銀沈香甲香水馬翡翠

孔雀象牙犀角龜殼鼈鼈綵藤竹布

融象二州貢金桂
邕昭柳等五十餘

州貢銀桂州銅盤連州細布鍾乳崖欽二州高良薑廣
州竺席生沈香水馬甲香龜鼈皮藤簾廣州安南並貢
龜殼循振二州五色藤盤振州班布食單安南及潮州
蕉安南檳榔鮫魚皮翠毛愛麗等州孔雀尾驪州象牙
藥犀角金薄黃屑沈香漳潮等州鮫魚皮甲香韶州竹
子布岡州甲香詹糖香廣潮高循峯邵等州及安南蚶
蛇膽春韶瀧廣等州石斛雷州絲電富州班布白石英
蒙州麩金古州蠟容州朱砂銀欽州翡翠毛陸州玳瑁
鼈皮翠毛甲香峯州豈菴福祿邵二州
白蠟福祿龐二州紫餅木昆州桂心

其遠夷則控百

越及林邑扶南之貢獻焉凡天下之州府三百一十有

五而羈縻之州蓋八百焉京兆河南太原為三都路揚

益荆幽為大都督府單于安西安北為大都護府安南

安東北庭為上都護府涼秦靈延代充梁安越洪潭桂

廣戎福為中都督府夏原慶豐勝營松洮鄯西雅瀘茂

雋姚夔黔辰容邕為下都督府同華岐蒲為四輔州

蒲新

入陝懷鄭汴魏絳為六雄州

絳新
入

號汝汾晉宋許滑衛

相洺為十望州

汾新
入

安東平營檀媯蔚朔忻安北單于

代嵐雲勝豐鹽靈會涼肅甘瓜沙伊西北庭安西河蘭

鄯廓豐洮岷扶柘維靜悉翼松當戎茂雋姚播黔驩容

為邊州四萬戶已上為上州

陝汝號僊澤邠隴涇寧鄜坊戶雖不足亦為上州

二萬戶已上為中州不滿為下州凡三都之縣在城內

曰京縣

奉先同京城

城外曰畿縣又望縣有八十五焉

同州馮翊

朝邑澄城白水郃陽華州鄭縣華陰下邽岐州雍縣扶風陳倉陝州陝縣桃林破石河北芮城號州閿鄉湖城鄭州管城縣陽武新鄭滎澤汴州浚儀開封尉氏雍丘宋州宋城滑州酸棗兗州金鄉許州扶溝汝州梁縣徐州襄城蒲州河東桑泉安邑虞鄉汾陰猗氏解縣絳州正平龍門夏縣聞喜翼城晉州臨汾洪洞汾州隰城平遙介休潞州上黨懷州河內武德武陟獲嘉魏州貴鄉魏縣昌樂頓丘元城相州滏陽洺州永年冀州信都南宮瀛州河間深州饒陽益州成都蜀縣郫縣新繁彭州九隴導江蜀州晉原青城漢州雒縣潤州曲阿江寧常

州晉陵蘇州吳縣杭州餘杭越州會稽婺州
金華荊州江陵襄州襄陽揚州江都揚子

其餘則六

千戶已上為上縣二千戶已上為中縣一千戶已上為

中下縣不滿一千戶皆為下縣凡天下之戶八百一萬

八千七百一十口四千六百二十八萬五千一百六十

一開元二十二年數百戶為里五里為鄉兩京及州縣之郭內

分為坊郊外為村里及村坊皆有正以司督察

果正兼課植農

桑催調賦役


四家為隣五隣為保有長以相禁約凡男女始

生為黃四歲為小十六為中二十有一為丁六十為老

每一歲一造計帳三年一造戶籍縣以籍成于州州成于省戶部總而領焉



通志卷四十



總校官庶吉士臣侍朝

校對官編修臣閔惇大

謄錄監生臣宋維翰

欽定四庫全書薈要

史部

通志卷四十一



詳校官員外郎臣楊世綸

欽定四庫全書薈要卷八千九百四十

史部

通志卷四十一

宋 右迪功郎 鄭樵 漁仲 撰

都邑畧第一

都邑序

建邦設都皆馮險阻山川者天之險阻也城池者人之險阻也城池必依山川以為固大河自天地之西而極天地之東大江自中國之西而極中國之東天地所以

設險之大者莫如大河其次莫如大江故中原依大河
以為固吳越依大江以為固中原無事則居河之南中
原多事則居江之南自開闢以來皆河南建都雖黃帝
之都堯舜禹之都於今皆為河北在昔皆為河南大河
故道自碣石入海碣石今平州也所以幽薊之邦冀都
之壤皆為河南地周定王五年以後河道堙塞漸移南
流至漢元光三年徙從頓丘入渤海今濱滄間也自成
周以來河南之都惟長安與洛陽或逾河而居鄴者非

長久計也自漢晉以來江南之都惟有建業或據上流而居江陵武昌者亦非長久計也是故定都之君惟此三都是定議都之臣亦惟此三都是議此三都者雖曰金湯之業屢為車轂之場或歷數百載或禪數十君高城深池塹山堙谷斷土既多地絕其脉積污復久水化其味此隋人所謂不甚宜人者也而況衝車所攻矢石所集積骸灑血莽為荆榛斷垣壞壁鬼燐滅沒由茲鳩集能必其蕃育乎唐之末年博士朱朴獻遷都之議曰

古之帝王不常厥居皆觀天地興衰隨時制事關中周
隋所都我實因之凡三百歲文物資貨奢侈僭偽皆極
焉廣明巨盜陷覆京闕高祖太宗之制蕩然矣夫襄鄧
之西夷漫數百里其東則漢與鳳林為之闕南則荆潭
環屈而流屬於漢西有上洛重山之險北有白崖聯絡
誠形勝之地沃衍之墟若廣浚河渠漕輓天下可使大
集自古中興之君去已衰之衰就未王而王今南陽光
武雖起而未王也臣視山河壯麗處多故都已盛而衰

難可興已江南土薄水淺人心囂浮輕巧不可以都河
北固水深土厚而人心彊愎狼戾未即可服襄鄧既為
內地人心質良去秦咫尺而有上洛為侵軼之限此建
都之極選也疏奏在廷無有是其說者豈以其人無足
取故并廢其言與然其論去已衰之衰就未王而王則
前此或未有之及矣臣竊觀自昔帝王之都未有建宸
極於汴者雖晉之十六國徧處中州亦未聞有據夷門
者何哉蓋其地當四戰之衝無設險之山則國失依馮

無流惡之水則民多疾癘七國之魏本都安邑為秦侵蝕不得已東徙大梁秦人卒決河流以灌其城王假就虜一國為魚焉自是曠千三四年無有居者朱全忠藉宣武資力以篡唐因而居汴未為都也不及五六年梟鏡殞命昏庸繼位或獻遷都之謀君臣皆謂夷門國家根本不可遽易遂為京室唐兵之來梁室之禍甚於王假晉遵覆轍邪律長驅取少帝如拾芥視朱氏又酷烈焉宋祖開基大臣無周公宅洛之謀小臣無婁敬入關

之請因循前人不易其故逮至九朝遂有靖康之難豈
其德之不建哉由地執然爾六飛南巡駐蹕吳越朝曰
行闕陵曰殯寢此豈絕念於卜宅哉咸陽郊廓我陵我
阿湯湯秦淮一葦可至而臣鄰未聞以定鼎之謀啟陳
者母亦以殘都廢邑土脉絕水泉鹵不足復興而夷門
之痛況未定也嗚呼江沱不足宴安也母已則採唐人
之議取南陽為中原新宅且以繫人望云

三皇都

伏犧都陳

宛丘城是也今陳州治

神農都魯或云始都

周武王封舜之後於此

陳

魯今兗州曲阜縣故

又云神農營曲阜

黃帝都有熊又遷涿鹿

鄭涿鹿

即涿州

五帝都

少昊都窮桑

即魯曲阜也故曰封伯禽於少昊之墟

顓帝都高陽

澶州漢陽縣以

顓帝居之故謂之帝丘其域中有顓帝冢存焉

帝嚳都亳亦謂之高辛

即偃師縣今隸

西京帝嚳為高辛氏故都亦謂高辛

堯始封于唐後徙晉陽即帝位都平

陽

唐今定州唐縣猶有唐城存焉或云唐城在絳州翼城城西二里及徙晉陽則以晉陽為唐今平定軍有古

晉陽城是其地及為天子都平陽則又以平陽為唐平陽今晉州也
都蒲坂
虞即南京虞城縣蒲坂隋改為河南縣今隸河中府
舜始封于虞即帝位

夏都

禹封於夏受禪之後都平陽又徙安邑

夏今陝州夏縣安邑今隸蒲州

平陽即堯都也禹在陽城者避商均之地而非都也按五子之歌曰惟彼陶唐有此冀方言堯舜及禹皆在冀州界少康中興復還舊都故左傳曰復禹之迹不失舊物

商都

契封於商後世遷于亳即西亳也成湯受命始遷于南

亳故命以殷至仲丁遷于囂河亶甲居于相祖乙居于

耿及盤庚五遷復都南亳至紂居朝歌

商即上雒今為商州亳故京兆

杜縣有亳亭是也杜城今在長安南故司馬遷云禹興西羌湯起亳也及湯有天下始居宋地復命以亳今南京穀熟是也或云河南偃師是蓋有潁水出陽城東至西華汝陽入于潁與潁水合流古人并謂潁為潁故命以潁焉此謂之南亳器亦作戠即河南之戠倉也相今為相州耿河中府龍門縣南十二里故耿城是朝歌隋改為衛縣衛州朝歌故城有縣西十二里衛縣熙寧中省為鎮入蔡陽

夏商之際諸侯都

昆吾

夏之伯國杜預云東都濮陽縣按唐武德四年析濮州濮陽置昆吾縣復舊名也八年復省入濮陽

大彭

商之伯國今徐州彭城是也

豕韋

亦商之伯國或謂之韋杜預云東郡白馬縣東南有韋城

按今滑州韋城是也有豕龍井在韋城古城之內

唐杜

唐杜一國名商末豕韋國於唐周成王滅唐而

遷之於杜為杜伯唐今定州唐縣杜在永興軍顧夏之長安縣南十五里曰下杜城猶有杜伯冢在焉顧諸侯

國濮州范縣東南二十八里有故顧城

六

廬州舒城東南六十里有故六城虞夏之際封臯陶於此蓼

壽州霍丘縣六蓼皆虞夏所以封臯陶

扈

夏為扈商為崇秦改扈為鄆今鄆縣北二十里有故扈城城周

四里亦有甘亭即啟與有扈戰處

鉏

故鉏城在澶州衛南縣東十五里此羿本國羿後遷于窮石

寒

寒浞之國今濰州東二十三里寒亭是也

斟灌

夏同姓國杜預云樂安壽光縣東南有灌亭按壽光今隸

青州斟尋

夏同姓國按漢北海郡有斟縣其地在今濰州東南五十里尚有斟亭京相璠云斟尋去斟亭

七過澆之國一名有過萊戈猛之國在崇永興鄆縣東

里過州掖縣北有過鄉宋鄭之間崇在夏為扈在

商為姚商時邳商時國今淮密須按今涇州靈臺有密

崇定有陰甲父單州有膠颺叔安之國亦作褒疑蔡州褒

密城甲父城颺廖唐州湖陽是葛南京寧陵縣有

信防風氏康縣是厥古厥國鄆州中葛故寧城是北去

是毫城百里毫即湯始居或云許州鄆城北三十里有葛伯城然皆指其處也

周都

周本扶風郡之地名后稷始封於此其所居之地謂之

邠公劉遷于豳豳亦作邠大王避狄去豳居岐及文王

德業光大作邑于豐而典治南國武王有天下乃居鎬
京豐在豐水之西鎬在豐水之東周地西迫戎俗自岐
之豐自豐之鎬是西遠戎而東即華也武王克商乃遷
九鼎于郊廓至成王始定鼎于此而城之以為東都謂
之王城及三監導紂子武庚叛成王乃命周公營洛邑
遷商之頑民於此謂之成周自武王十一世至幽王為
犬戎所滅太子宜臼徙居王城謂之東周是為平王東
徙之後則以王城為周而以鎬京為宗周自平王十三

世至敬王有王子朝之難王城墮廢又遷成周成周在東河南在西又以王城為西周成周為東周故公羊曰王城者西周也由春秋後至赧王時周分為二而赧王復居王城為西周考王弟桓公之孫惠公居成周為東

周

卽今武功縣隴城是也幽班固云拘邑有幽鄉按拘邑故城在今邠州三水縣東北或云三水西南三十

里有古豳城是也岐今鳳翔岐山是也豐鎬皆水名豐在今永興鄠縣東南鎬去豐二十里王城今河南縣成

周今洛陽縣

周諸侯都

魯都曲阜

魯本少昊摯居之謂之少昊之墟又大庭氏居之魯於其上作庫故謂大庭氏之庫至周

成王以周公之功而封伯禽於此其地本名魯乃齊都

薄姑遷于營丘

齊本顓帝之墟營丘今臨淄縣薄姑亦謂之蒲姑在其西北或云營丘故城在

濰州昌樂而青州博興有蒲姑故城

宋都商丘

杜預云梁國睢陽縣按睢陽隋改為宋城今南京治

本陶唐氏之火正小伯之墟以其主火故為大辰之墟相土因之武王伐紂封紂子武庚於邶武庚叛成王殺

之更封紂兄子微子啟於衛都朝歌及懿公為狄所滅

宋以為商後故謂之商丘宋桓公迎衛之餘民渡河立戴公以廬于曹後齊桓公

城楚丘而居文公焉至成公又遷于帝丘

朝歌故城在衛縣西二十

二里衛縣宋熙寧省為鎮入黎陽本紂都故謂之商墟
曹亦作漕今滑州白馬是也楚丘今單州成武帝丘本
顓帝之墟故曰帝丘夏王之世昆吾氏居鄭都本西周
之故亦謂之昆吾之墟今澶州濮陽縣

畿內之地周宣王以封母弟桓公友及幽王有犬戎之

變鄭武公遂遷于濟洛河潁之間謂之新鄭

鄭之始都謂之故鄭

今華州鄭縣是也有鄭故城在縣北新鄭今之滎陽

晉都唐謂之夏墟大名也本

堯所都謂之平陽成王封母弟叔虞於此初謂之唐其
子燮立始改為晉以有晉水出焉其地正名翼亦名絳
而平陽者是其總名及昭侯立封叔父桓叔于曲沃後

曲沃盛彊桓叔之孫武公滅翼遂有晉都至景公遷于

新田又謂新田為絳而謂平陽為故絳

唐今定州唐縣猶有唐城或云

唐城在絳州翼城西二里平陽今為絳州縣翼晉之舊都今絳州翼城是也尚有故城在縣東南曲沃今為絳州縣晉先君祖廟並在此新田一名絳今絳州絳縣是也或云絳故城在曲沃南一里景公以後並都是楚

都丹陽周成王封熊繹以子男之田盖居於此至熊達

始盛彊僭稱王是為楚武王遷都于郢昭王為吳所滅

又遷于郢楚本名荆至成王顧始改號楚

丹陽今江陵枝江縣郢江

陵縣北十餘里有汜南城城東有小城名郢在江之南非今郢州郡本郢國楚并之在襄陽宜城縣東按今襄

州南二百二十里廢樂鄉縣是其地今有鄆鄉在鄆水傍又云宜城西南有鄆亭山至孝烈王徙都壽春復命曰鄆今楚州者秦周孝王封非子居於秦谷至襄公赴懷王孫心所都

幽王之難以兵助送平王故平王與之以岐豐之地列

為諸侯莊公居犬丘文公居汧渭德公遷于雍自德公

以下十八世居雍獻公遷櫟陽孝公乃遷咸陽秦谷故隴西縣

秦亭是也隴西唐末為寨宋熙寧廢為鎮入汧原今隴

隴州故秦城尚在犬丘漢提里縣今永興軍興平縣雍

故扶風雍縣唐改曰天興今鳳翔吳都吳今蘇州虞都

治櫟陽咸陽今皆為縣隸永興軍城是

虞杜預云河東大陽縣按今陝州夏縣有大陽故關而平陸縣東北六十里見有故虞城仲雍國於吳其支

子別封于此故亦謂之西吳其虞舜之
後居于虞城今為縣隸南京非此虞也
號都上陽今號

州號畧此號仲之封也謂之西號而號叔之封在鳳翔
號縣謂之南號復有一號居於榮縣謂之東號以其在

號仲國之東南東南
二號皆主於上陽
曹都曹今廣濟軍治定陶是
許都許後遷于

葉又遷于城父又遷于白羽又遷于容城許今許州白羽一名析鄆

州浙川是或云內鄉
是容城華容縣是
邾都邾今兗州曲阜東南四十里

南二十里復有邾婁城皆即
其所也曲阜今為仙源縣
莒都莒後遷鹽官故謂之

南莒莒今為密州縣
紀都紀遷于劇紀本在東海故贛榆縣紀城是劇在青丘臨朐縣東

壽光縣西亦名
紀音訛為劇
滕都小邾遷于公丘小邾即蕃縣及遷于公丘則故地為

小邾國隋以其為滕舊都故改蕃為
滕縣今隸徐州公丘今兗州龔丘

薛仲虺之都本在

魯地奚仲遷于邳

魯莊公三十一年築臺于薛即薛舊都也及遷于邳又以邳為薛今徐州

滕縣東南五十里薛城是州都淳于後遷華容

淳于今為密州高密華容今荆南府監利

蔡本畿內之地以為蔡叔之采邑及蔡叔逆命國除至

蔡仲始改封于汝南故以汝南為蔡及遷州來則以州

來為下蔡汝南為上蔡

今蔡州上蔡縣西南十里故蔡城即蔡國也州來即下蔡縣今

壽州徐都臨淮

今泗州臨淮有徐城又有偃王廟徐君墓

葛都甯

南京甯陵縣故甯城

是

越都會稽

今會稽城亦謂之勾踐城越州城也

陳都宛丘

宛丘今陳州治本太昊之

墟南燕都胙

東郡舊有燕縣隋改曰胙城本胙國也為燕所并胙城唐為縣隸滑州故燕城在胙

城東

遂都乘丘

乘丘舊為蛇丘唐省入鉅野今齊州治

譚都譚

齊州歷城縣有古譚

城

管都管

鄭州管城是

鄆都鄆

今鄭州新鄭東北三十五里有古鄆城

戴都戴

今開封封丘

任都任城

今濟州任城

宿都無鹽

無鹽故城在鄭州須城東

縣有戴城

三十須句都須胸遷于須昌

鄭州壽張縣西北有須胸城須昌今鄭州舒城也

額吏都費

沂州費縣西北八里有故額吏城

鄆都鄆

今沂州承縣東八十里故鄆城

都向

今沂州有古向城

鄆都開陽

故開陽城在臨沂縣北十五里

蕭都蕭

徐州蕭縣

頓都南頓

今陳州南頓縣

息都新息

今蔡州新息縣

沈都平輿

平輿故城在蔡

州汝陽

縣東 頂都項城

陳州項城縣東 北有故項城

隨都隨

今隨

鄧都鄧

襄陽鄧城

縣界也 變都變

今歸州東二十里 有故變子城

北燕都薊

幽州治

邢都

襄國

襄國隋改曰龍 同今邢州治

梁都新里

同州夏陽有新里城 或云新里城在澄州 韓

都韓城

故城在今同州韓 城縣南十八里

魏都魏城遷于大梁

今陝州平陸有

魏城大梁

趙都趙城遷于平棘

趙城今隸晉州 縣平棘隸趙州

邯都邯

武王封季戴於此 今濮州 雷澤北三十里有故邯城

邯都邯

邯有南北 今單州 咸武有二邯城

應

都葉

汝州葉縣 有故應城

蔣都期思

期思故城在光州 同始西北七十里

申都申

今

陽 軍 呂都呂

蔡州城 蔡

焦都焦

陝州東北 百步有焦城

耿都耿

府河 龍中

門縣南十二里故耿城是

霍都霍

今晉州有霍邑

揚都揚

晉州洪洞縣東南十八里有故揚城

冀都冀

今河中府有冀亭

芮都芮

杜預云馮翊臨晉縣有芮鄉按臨晉故城在今同州朝邑

西南二里 **賈都賈**

同州蒲城縣有賈城

荀都荀

荀城在絳州正平西十五里

黎都黎

今潞州黎城縣有黎侯故城

邴都邴

京相璠云野王縣西北三十里有故邴城野王隋改曰河內今

懷州治

周夷狄都

戎都戎城

杜預云陳留濟陽縣東南有戎城又有戎州是其別邑

夷都夷安

杜預云在

城陽莊武縣所治夷安縣是也

介都黔陬

介東邑國今密州諸城縣東北一百一十里有黔陬故城

根牟都安丘

今密州安丘

萊都黃

登州黃縣東南二十五里有故黃城即萊子國

右東夷

百濮都濮

今江陵建寧縣是

舒都舒

今廬州舒城

羣舒都龍舒

今廬江西

有龍舒

允姓之戎本居瓜州秦晉誘而致之伊川

瓜州今在極西

瓜沙之地伊川故陸渾縣其地在河南伊陽縣南

伊拒泉臯伊洛之戎

杜預云伊闕縣

北有蠻氏都麻解

杜預云河南新城縣東南有蠻氏城俗以為麻解城蠻麻聲近按麻解縣

亦謂之蠻王城今在汝州西南近伊闕

庸都上庸

房州竹山縣西二百五十里有上庸城

廬

戎都廬

今襄州中廬

巴都江州

江州故縣名隋改為江津隸渝州

右南蠻

狄都狄亦謂之翟其別都有箕

狄在慈州箕城在遼州榆社東南三十里白

狄都西河

白狄與秦同州今坊廊延綏間皆古白狄之地

鮮虞都鮮虞

白狄之別種今

定州安喜舊鮮虞縣

肥都昔陽

肥即白狄遷于昔陽故城在今平定軍樂平縣東五十里

鼓都

鼓城

白狄別種今祁州鼓城縣

驪戎都臨潼

今永興臨潼縣東二十四里有驪戎故城

右西戎

赤狄都洺

今洺州之地

潞都潞

今潞州是

東山臯落氏都臯落

今絳

州垣縣西北六十里有臯落城服夷云世謂之哥夷城蓋聲相近

山戎都薊

北狄也號無終于今

荊州治漁陽所
以蔽北燕之路

唐咎如甲氏留吁鐸辰皆赤狄別種散

居河北鄆瞞在夏為防風氏商為汪芒氏皆長狄國也

右北狄

秦都

秦都已見本卷周諸侯都中

兩漢都

前漢都長安謂之西都後漢都洛陽謂之東都光武又
以南陽為別都謂之南都至建安元年曹操挾獻帝遷

許長安宋為永興軍治
南陽鄧州許潁昌府

三國都

魏畧云魏以長安譙許昌鄴洛陽為五都洛陽其京室也吳志云吳都鄂後遷建業故改鄂為武昌改秣陵為建業後避晉愍帝諱故又改為建康蜀志云蜀都成都

譙今亳州許昌今潁昌府鄴相州鄂
即鄂州建業今建康府成都益州也

兩晉都

晉都洛陽仍魏舊也東晉都建業本吳都也

十六國都

後魏雖共起其後奄有中
原故不在十六國之數

張軌都敦煌謂之前涼

沙州

呂光都姑臧謂之後涼

涼州

李嵩都酒泉謂之西涼

肅州

秃髮烏孤都張掖謂之南涼

蘭州與乞伏國仁
分據定樂在其東

沮渠蒙遜都張掖謂之北涼

甘州

慕容皝初都和龍後徙薊又徙鄴謂之前燕

和龍唐初
城宋時大

遼黃龍府薊

幽州鄴相州

慕容垂都中山謂之後燕

今中山府

慕容德都廣固謂之南燕

青州

馮跋都和龍謂之北燕

劉淵都平陽謂之前趙

晉州

苻堅都長安謂之前秦

姚萇都長安謂之後秦

乞伏國仁都定樂後遷金城謂之西秦

定樂蘭州東境金城河州

赫連勃勃都統萬謂之夏

朔方

宋齊梁陳都

宋因晉舊都建業齊因宋梁因齊改號不改都梁有太清之禍建康殘毀元帝興復即位于江陵魏人滅之陳

復都建業

江陵今
荆南府

後魏都

魏拓跋氏甚微至道武帝諱珪始盛彊晉太元間作都于代六世孝文帝改姓元氏遷于洛陽後世微弱孝武帝為高歡所逼出居長安依宇文泰是為西魏高歡立

孝靜帝遷都于鄴是為東魏高氏繼東魏居鄴謂之北齊宇文氏繼西魏居長安謂之後周

隋都

文帝繼周即都長安開皇二年帝以長安故城漢來舊邑年代既久凋弊實多又制度狹小不稱皇居乃作新都於龍首山在漢城東南

屬杜縣本後周之京兆郡萬年縣界也

南直終

南山子午谷北據渭水東臨灞澇西枕龍首謂之大興

城

文帝初封大興公故登極以後其命城縣門殿池及寺皆以大興焉

四夷都

朝鮮都王險

漢樂浪郡

濊都濊在高句麗之北

漢滄海郡

三韓皆都帶方郡之東大海中東西以海為限南與倭接北與樂浪方可四千里有三種曰馬韓辰韓弁韓復有一種曰弁辰其後馬韓悉王三韓之地都目支國

百濟都居拔城亦曰固麻城

晉時振遼東晉平二郡在柳城北平之間

新羅都新羅在百濟東南五百餘里亦在高句麗東南

兼有漢時樂浪郡之地

倭初都帶方東南大海中後都邪馬臺邪馬臺去遼東二千里在百濟新羅東南

夫餘都夫餘城在玄菟北千里南與高句麗東與挹婁西與鮮卑接北有弱水地方二千里

高句麗初都紇升骨城後世遷於丸都山下自東晉以後移都於平壤城又有別都曰國內城曰漢城號為三

京平壤即漢樂浪郡王險城亦曰長安城東西六里隨山屈曲南臨湨水在遼東南千餘里城內惟積倉儲

器械賊至方入固
守王別宅於其側

東沃沮都高句麗西北在蓋馬大山之東

蓋馬縣名東屬元菟郡

濱大海北與挹婁扶餘南與濊貊接又有北沃沮一名
置溝婁去南沃沮八百餘里亦與挹婁接

挹婁即古肅慎國都不咸山在夫餘東北千餘里東濱
大海南與北沃沮接不知其北所極

勿吉

亦曰
靺鞨

亦古肅慎氏國其都在高句麗之北自和龍

北二百餘里有善玉山山北行十三日至祁黎山又北

行七日至洛瓊水水廣里餘又北行十五日至大兵營
水又東北行十八日至其都

扶桑都在大漢國東二萬餘里地在中國之東土多扶
桑木故以為名

文身都倭國東北千餘里

流求都海島之中當建安郡東水行五日而至

閩越初都東冶即長樂郡也後都東甌即永嘉郡也

或云

建州建州今
有甌寧縣

右東夷

廩君都夷城其後世散處巴郡南郡謂之南郡巴郡蠻
板楯蠻始居巴中其後世僭侯稱王屯據三峽為後周
所滅

獠始出漢中達于邛笮其後侵暴梁益

南平獠居南平其地東距智州南屬渝州西接南州北
接涪州

東謝蠻居黔州西三百里南距守宮獠西連夷子地方

千里

西趙蠻居東謝之南其地東至夷子西至昆明南至西
洱河南北十八日行東西二十三日行

牂柯蠻世為本土牧守唐以其地為牂州

兖州蠻與牂柯蠻接唐以其地為兖州牂柯兖州皆黔
中屬州也

西爨蠻晉時據南寧郡其地延袤二千餘里隋以其地
置恭州協州昆州未幾復叛唐兵擊之開置青蛉弄棟

為縣

昆彌蠻在西爨之西以西洱河為境

尾濮居興古郡西南千五百里徼外

興古今雲南郡地

又有木

綿濮文面濮赤口濮黑焚濮皆在永昌西南與尾濮接
松外諸蠻散處夜郎滇池以西凡數十姓

右南蠻

夜郎在蜀徼外近牂牁其江水趨番禺城下

滇在夜郎之西即漢益州郡也蜀改益州郡為建寧分

建寧永昌為雲南郡又分建寧牂牁為興古郡滇即今之雲南也

邛都即漢越雋郡之地

犛都即漢沈黎郡之地

冉駝即漢汶山郡之地

哀牢即永昌郡之地

附國在蜀郡西北二千餘里即漢之西南夷也

右西南夷

南粵都南海今廣州也

右嶺南夷

黃支在合浦日南之南三萬里

哥羅在槃槃東南亦曰哥羅富沙國

林邑本漢日南郡象林縣古越裳界也在交趾南海行
三千里

扶南在日南郡之南海西大島中去日南可七千里在
林邑西南三千餘里去海五百里

類遜去扶南可三千餘里其國之東界通交州其西界接天竺安息其所都在海崎山上地方千里城去海十里羈屬扶南

毗騫居大海洲中去扶南八千里

于陀利在南海洲上史不言道里方向獨稱其俗與林邑扶南畧同當是與扶南林邑近也

狼牙修在南海中其界東西三十日行南北二十日行北去廣州二萬四千里

婆利在廣州東南海中洲上自交趾浮海南過赤土丹
丹國乃至其國去廣州二月日行國界東西五十日行
南北二十日行

槃槃在南海大洲中北與林邑隔小海自交州船行四
十日至其國

赤土扶南之別種也在南海中直崖州之南水行百餘
日達其國

真臘都伊奢那城在林邑西南本扶南之屬國也去日

南郡舟行六十日而至

羅刹在婆利之南

投和在真臘之南自廣州西南水行百日至其國

丹丹在羅摩羅國西北振州東南

振州與珠崖同島上

邊斗都昆拘利比嵩自扶南渡金隣大灣南行三千里
有此四國

杜薄在扶南東漲海中直渡海數十日至其國

薄刺在拘利南海灣中

勃焚在南海洲中

火山在杜薄東五千里

無論在扶南西二千餘里

右海南夷

羌散處三河之間

月氏胡居湟中

氏散處廣漠之西其後保仇池竊據秦梁之地

葱茆自姑羌西至葱嶺數千里皆其地也

吐谷渾在益州西北都伏侯城在青海西十五更其地
東西三千里南北千餘里

乙弗敵在吐谷渾北國有屈海海周迴四千餘里乙弗
敵之西有契翰國又有可蘭國可蘭西南一千五百里
隔大嶺又度四十里海有女王國

宕昌羌居今宕州其地自仇池以西東西千里瘧水以
南南北八百里

鄧至羌世居白水自亭街以東武平以西汶嶺以北宕

昌以南皆其地也

党項羌居古析支之地其地東接臨洮西平西拒葉護南凭春桑迷桑等羌北連吐谷渾南北數千里

白蘭羌居白蘭其地東北接吐谷渾西至叱利摸徒南界鄯鄂

吐蕃在吐谷渾西南其先居跋布川或居邏娑川後徙都牂牁西正播城唐初大盛其地東與松茂舊接南極婆羅門西取四鎮北抵突厥幅員萬里

右西羌

姑羌治姑羌城去長安六千三百里西與且末接

鄯善本名樓蘭王治扞泥城去長安六千一百里西北至車師千八百九十里

且末王治且末城去長安六千八百二十里北接尉犂
丁零東與白提西與波斯精絕接南至小宛可三日行
小宛王治扞零城去長安七千二百一十里東與姑羌
接

精絕王治精絕城去長安八千八百二十里南至戎盧
四日行西通扞彌四百六十里

戎盧王治卑品城去長安八千三百里東與小宛南與
姑羌西與渠勒接

扞彌王治扞彌城去長安九千二百八十里南與渠勒
東北與龜茲西北與姑墨接西通于闐三百九十里
渠勒王治犍都城去長安九千九百五十里東與戎盧
西與姑羌北與扞彌接

于闐王治西城去長安九千六百七十里南與姑羌接
北與姑墨接西通皮山三百八十里

皮山王治皮山城去長安萬五千里西南至烏秣千三
百四十里南與天竺接北至姑墨千四百五十里西南
當罽賓烏弋山離西北通莎車

烏秣王治烏秣城去長安九千九百五十里北與于合
蒲犁西與難兜接

西夜亦號于合王治呼捷谷去長安萬二百五十里東

與皮山西南與烏托北與莎車西與蒲犁接

蒲犁王治蒲犁谷去長安九千五百五十里東至莎車
五百四十里北至疏勒五百五十里南與西夜子合接
西至無雷五百四十里

依耐王治依耐城去長安萬一百五十里東北至莎車
五百四十里至無雷五百四十里北至疏勒六百五十
里南與子合接

無雷王治盧城去長安九千九百五十里南至蒲犁五

百四十里南與烏托北與捐毒接

難兜王治難兜城去長安萬一百五十里西至無雷三百四十里西南至罽賓三百三十里南與婁羌北與休循西與大月氏接

罽賓王治循鮮城去長安萬二千二百里東至烏托二千二百五十里東北至難兜九日行西北與大月氏西南與烏弋山離接

烏弋山離去長安萬二千二百里東與罽賓北與撲挑

西與鞏軒條支接行可百餘日乃到

條支去陽關二萬一千一百里在葱嶺之西城居山上
周回四十餘里

安息王治番兜城去長安萬一千六百里在葱嶺之西
大宛之西可數千里北與康居東與烏弋山離西與條
支接

大月氏王治監氏城去長安萬一千六百里西至安息
四十九日行南與罽賓接

小月氏王治富樓城在波路西南去代萬六千六百里
康居王冬治樂越匿地到卑聞城去長安萬二千三百
里至越匿地馬行七日至王夏所居蕃內九千一百四
十里

米國都那密水西舊康居之地西北去蘇對那國五百
里西南去史國二百里東去瓜州六千四百里

史國都獨莫水南十里舊康居之地北去康國二百四
十里南去吐火羅五百里西去那色波國二百里北去

米國二百里東去瓜州六千五百里

曹國都那密水南數里舊康居之地東南去康國百里
西去何國百五十里東去瓜州六千六百里

何國都那密水南數里舊康居地東去曹國百五十里
西去小安國三百里東去瓜州六千七百里

烏那遏國都烏澣水西舊安息之地東北去安北四百
里西北去穆國二百餘里東去瓜州七千五百里
穆國都烏澣河之西亦安息之故地與烏那遏鄰

大宛王治貴山城去長安萬二千五百五十里北至康居卑闐城千五百一十里西南至大月氏六百九十里北與康居南與大月氏接

桃槐國去長安萬一千八百里

休循王治飛鳥谷在葱嶺西去長安萬二百一十里東至捐毒衍敦谷二百六十里西北至大宛國九百二十里西至大月氏千六百一十里

天竺即捐毒也王治衍敦谷去長安九千八百六十里

西北至大宛千三百里北與烏孫接

莎車王治莎車城去長安九千九百五十里西至疏勒
五百六十里西南至蒲犁七百四十里

疏勒王治疏勒城去長安九千三百五十里南至莎車
五百六十里西當大月氏大宛康居道

尉頭王治尉頭谷去長安八千六百五十里南與疏勒
接西至捐毒千三百一十四里

烏孫大昆彌治赤谷城去長安八千九百十里西至康居

蕃內地五千里

姑墨王治南城去長安八千一百五十里南至闐馬
行十五日北與烏孫接東通龜茲六百七十里

溫宿王治溫宿城去長安八千三百五十里西至尉頭
三百里北至烏孫赤谷城六百一十里東通姑墨二百
七十里

龜茲王治延城去長安七千四百八十里南與精絕東
南與且末西南與扞彌北與烏孫西與姑墨接

尉犁王治尉犁城去長安六千七百五十里南與鄯善
且末接

危須王治危須城去長安七千二百九十里西至焉耆
百里

焉耆王治員渠城去長安七千三百里南去尉犁百里
北與烏孫接東去交河城九百里西去龜茲九百里

烏貪訾離王治于婁谷去長安萬二百三十里東與單
桓南與且彌西與烏孫接

卑陸王治天山東接乾當谷去長安八千六百八十里
卑陸後國王治番渠類谷去長安八千七百一十里東
與郁立師北與匈奴西與劫國南與車師接

郁立師王治內咄谷去長安八千八百三十里東與車
師後城長西與卑陸北與匈奴接

單桓王治單桓城去長安八千八百七十里

蒲類王治天山西疏榆谷去長安八千三百六十里

蒲類後國去長安八千六百三十里

移支王居蒲類地

西且彌王治天山東于大谷去長安八千六百七十里
東且彌王治天山東兌虛谷去長安八千二百五十里
劫國王治天山東丹渠谷去長安八千五百七十里
狐胡王治車師柳谷去長安八千二百里西至焉耆七
百七十里

山國去長安七千一百七十里西至尉犁二百四十里
西北至焉耆百六十里西至危須二百六十里東南與

鄯善且未接

車師前王治交河城去長安八千一百五十里

車師後王治務塗去長安八千九百五十里北與匈奴

接

人有車師後城長國

滑國與車師鄰接車師之別種也

滑旁有小國曰何跋檀周古柯胡密丹等

國又有白題國在滑國東去滑六日行西極波斯

車離居沙奇城在天竺東三千餘里

高附居大月氏西南

大秦居大海之西亦云海西國

奄蔡去陽關八千餘里西與大秦東南二千里與康居

接後魏時所為粟特國國人云其國見在葱嶺之西故奄蔡地也一名溫那沙居於大澤在康居西北去代
一萬六千里北
距安息五千里

小人居大秦之南

軒渠居三童東北

三童居軒渠西南

澤散治北海中北至驢分水行半歲與安息城郭相近

驢分其治去大秦都二千里

堅昆居康居西

呼得居葱嶺北烏孫西北康居東北丁令在康居北已
上三國堅昆居中俱去匈奴單于庭安習水七千里南
至車師六國五千里西南去康居界二千里西去康居
王治所八千里

短人在康居西北

師子居天竺旁在西海中

噉噉居于閼西都烏澣水南二百餘里去長安一萬一百里王都號拔底延蓋王舍城也

波斯居達曷水之西都宿利城去代二萬四千二百二十八里西去海數百里東南去穆國四千餘里西至拂菻四千五百里即條支之故地

伏盧尼都伏盧尼城在波斯國北去代二萬七千三百二十里

悅般在烏孫西北

朱俱波居于閭西千餘里西至渴槃陀南至女國三千里北至疏勒九百里南至葱嶺二百里

渴槃陀治葱嶺東在朱俱波西西至護密國南至縣度山北至疏勒國界西北至判汗國

鉢和在渴槃陀西有二道一道西行向嚧噠一道西南趨烏菴

波知在鉢和西南

賒彌在波知之南山

烏萇在賒彌南北至葱嶺南至天竺波羅門

乾陀在烏萇西

阿鈎羌居莎車西南去代一萬三千里

副貨去代一萬七千里東至阿富汗且國西至沒誰國
中間相去一千里北至奇沙國相去一千五百里

疊伏羅去代三萬一千里

拔豆去代五萬一千里東至多勿當國西至旃那國中
間相去七百五十里南至罽陵迦國北至弗那伏且國

中間相去九百里

者至拔都者至拔城在疏勒西去代一萬一千六百二十里

迷密在者至拔西去代一萬二千一百里

悉萬斤都悉萬斤城在迷密西去代一萬二千七百二十里

忸密在悉萬斤西去代二萬二千八百二十八里

石國居於藥殺水都柘折城東與北至西突厥界西至

波臘國界西南康居界南至率都沙那國界南去撥汗
六百里東南去瓜州六千里

女國在葱嶺南

撥汗都葱嶺西五百餘里東去疏勒千里西去蘇對沙
那國五百里北去石國五百里東北去突厥可二千餘
里東去瓜州五千里

吐火羅治薄提城去代萬二千里東至范陽國西至悉
萬斤中間相去二千里北至波斯國中間相去一萬里

劫國居葱嶺中西南與賒彌國界接西北至挹怛國去
長安萬二千里

陀羅伊羅居烏荼國北大雪山坡上

越底延治辛頭河北南至婆羅門國三千里西至賒彌
國千餘里北至瓜州五千四百里

大食居波斯之西

右西域

匈奴都單于庭直代雲中後分而為二北單于居單于

庭南單于居西河美稷漢建安末魏武始分其衆為五部魏立五部都尉以統之其左部都尉居太原故慈氏縣右部都尉居祈南部都尉居蒲子北部都尉居新興中部都尉居太陵至于晉初塞外匈奴盡向化由是與晉人雜處居平陽西河太原新興樂平諸郡靡不有焉烏桓都烏桓山漢武帝徙於上谷漁陽右北平遼東五郡塞外

鮮卑都鮮卑山在柳城郡界

軻比能小種鮮卑也居遼西右北平漁陽塞外
宇文莫槐居遼東塞外

徒河段居遼西

蠕蠕都弱落水其常所會庭則敦煌張掖之北

高車都鹿渾海西北百餘里

稽胡散居離石以西安定以東

突厥世居金山後分為二其一曰沙鉢略可汗居都斤
山又南徙于白道川

西突厥居烏孫之故地南至突厥西至雷翥海南至疏勒北至瀚海在長安西北七千里

鐵勒種類最多居西海之東依山據谷

庫莫奚亦謂之奚都饒樂水即鮮卑故地

契丹居松漠之間後徙遼西正北二百里依託紇臣水

而居亦鮮卑故地其後都于和龍即唐之柳城也

紇臣水一

作紇
臨水

室韋居勿吉北千里去洛陽六千里

地豆于居室韋西千餘里

烏洛侯在地豆于北去代都四千五百餘里


驅度寐在室韋北

靉與靺鄰治黃水北亦鮮卑故地

拔悉彌在北庭北海南結骨東南依山散居去敦煌九千餘里

右北狄

通志卷四十一



總校官庶吉士臣侍朝

校對官編修臣閔懋大

謄錄監生臣吳魯田